

醫

學

綱

目

醫學綱目卷之三十一

傷寒部

陽明病

胃實不大便

自汗

不得臥

潮熱

譫語

狂亂

循衣摸牀

渴

嘔

乾嘔

陽明裏
胃家實

問曰病有太陽陽明有正陽陽明有少陽陽明何謂也答

曰太陽陽明者脾約是也正陽陽明者胃家實是也少陽

陽明者發汗利小便胃中燥煩實大便難是也陽明之為

病胃家實也問曰緣何得陽明病答曰太陽病發汗若下

若利小便者此亡津液胃中乾燥因轉屬陽明不更衣內

實大便難者此名陽明病也傷寒脈浮而緩手足自溫

者是為繫在太陽太陽者身當發黃若小便利不能發黃

至七八日大便鞭者為陽明病也陽脈實因發其汗汗

出多者亦為太過太過為陽絕於裏亡津液大便因鞭也

中風中
寒辨

陽明病若能食為中風不能食為中寒 陽明病但頭眩

忌受

不惡寒故能食而欬其人必咽痛若不欬者咽不痛也

陽明病不能食攻其熱必噦所以然者胃中虛冷故也以

其人本虛故攻其熱必噦也 陽明病脈遲食難用飽飽

則微煩頭眩必小便難此欲作穀疸下之腹滿如故所以

然者脈遲故也 陽明病欲解時從申至戌止 傷寒嘔

多雖有陽明症不可攻也 陽明病面合赤色不可攻之

攻之必發色黃小便不利也 陽明病心下鞭滿者不可

攻之攻之利遂不止者死利止者愈

傷寒不大便六七日頭痛有熱者與承氣湯其小便清者

知不在裏仍在表也須當發汗若頭痛者必衄宜桂枝湯

陽明病脈浮無汗而喘者發汗則愈宜麻黃湯 陽明

醫實有
表者先
解表

病脇下鞭滿大便不利而嘔舌上白胎者可與小柴胡湯

麻痺脈浮按宜和

若上焦得通津液得下胃氣因和身濺然汗出而解

陽明中風脈弦浮大而短氣腹滿脇下及心痛久按之氣

不通鼻乾不得汗嗜臥一身及面目悉黃小便難有潮熱

時時噦耳前後腫刺之小瘡外不解病過十日脈續浮者

與小柴胡湯脈但浮無餘症者與麻黃湯若不小便腹滿

加噦者不治

口苦脈浮按宜和

陽明中風口苦咽乾腹滿微喘發熱惡寒脈浮而緊若下

之則腹滿小便難也

許學士云宜小柴胡湯

陽明腹滿脈浮緊口

苦咽乾而喘若發熱汗出不惡寒反惡熱身重者忌發汗

忌加燒針忌下也

論見自汗

陽明病脈浮而緊者必潮熱發

作有時但浮者必盜汗出

右胃家實不大便雖三尺之童亦知可下也殊不知仲

景之法雖有胃實症若表未解及有半表者亦先用桂

胃實表
明便之症
計八攻
大便秘
有導之

枝柴胡以解外然後視虛實消息之也

陽明病自汗出若發汗小便自利者此為津液內竭雖硬不可攻之當須自欲大便時宜用蜜煎導而通之若土瓜根及入猪膽汁皆可導之

蜜煎導法

用蜜七合入銅器中微火熬稍凝似飴狀攪之勿令焦候可丸以手捏作挺子令頭銳大如指長二寸許乘熱急作之納穀道中用手急捺住欲大便時乃去之 又猪膽汁方用大猪膽一箇瀉汁和醋少許和勻灌入穀道中如飯時頃大便自去

便硬無
新法者
除之

太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴者此轉屬陽明也小便數者大便必鞭不更衣十日無所苦

也渴欲飲水少少與之但以法救之渴者宜五苓散
陽明病本自汗出醫更重發汗病已瘥尚微煩不了了者此
大便必鞭故也以亡津液胃中乾燥故令大便鞭當問其
小便日幾行若本小便日三四行今日再行故知大便不
久出今為小便數少以津液當還入胃中故知不久必大
便也

胃氣不和
承氣湯
攻之

陽明病潮熱不大便六七日恐有燥糞欲知之法少與小
承氣湯轉矢氣者有燥屎可攻若不轉矢氣者無燥糞不
可攻方論見陽明病汗出大便鞭而譫語者宜小承氣

湯方見不大便腹滿者宜下之若但遠臍痛者則為燥

屎宜承氣湯若心下至小腹滿痛者則為結胃宜陷胃

湯方見陽明病不吐不下心煩者宜調胃承氣湯陽

明病發熱汗出此為越熱不能發黃也但頭汗出身無汗

汗創頸而還小便不利渴飲水漿者此為瘀熱在裏身必發黃茵陳湯主之 小便不利大便乍難乍易有微熱喘冒不臥者宜大承氣湯論見不陽明症其人喜忘者必有畜血所以然者本有久瘀血故令喜忘屎雖鞭大便反易其色必黑宜抵當湯下之方見畜血無表裏症下後脈數不解消穀易飢六七日不大便者有瘀血宜抵當湯 傷寒六七日目中不了了睛不和無表裏證大便難身微熱者此為實也急下之宜大承氣湯 跌陽脈浮而濇浮則強濇則小便數浮濇相搏大便難其脾為約麻仁丸主之

麻仁丸

丹溪云氣實而表藥也

麻仁升

芍藥

厚朴

去文蓋製

枳實

各四兩

杏仁

大黃

煨各八兩

右為末蜜和丸如桐子大米飲下二三十九未知益之

每日三服

於小不
陰者動

陽明口燥但欲漱水不欲嚥者此必血虛而人不能則犀角湯重洲長當湯

胃實陰
實者宜

許學士有一士人宋病二人皆旬日矣一則身熱無汗大

下

便不通小便如澁神昏而睡診其脈長大而實予用承氣

脈虛者
宜導

下之而愈一則陽明白汗大便不通小便利津液少口乾

宜導

燥其脈亦大而虛作蜜煎三易之下燥盡得濡利而解其

家曰昔陽明不通何以治之異予曰二症雖相似然自汗

小便利者不可蕩滌五臟為無津液也然則傷寒大症相

似兩症稍有不同宜仔細斟酌正如格局看命雖年月日

時皆同而貴賤窮通不相侔者於一時之中有淺深故知

不可不謹

胃實反
無汗者

陽明病發多反無汗其身如虫行皮中狀者此久虛故也

虛邪

陽明病反無汗而小便利三日嘔而欬手足厥者必頭

痛若不欬嘔手足不厥者頭不痛論云六經利者寒邪內攻其長成之痛寒邪外攻

也陽明胃實脈浮無汗而喘宜麻黃湯論見胃實陽

明病無汗小便利心中懊懣者身必發黃宜茵陳蒿湯

陽結

脈浮而數能食不大便者此為實名曰陽結也期十七日

當劇

陰結

脈沉而遲不能食身體重不大便者名曰陰結也期十四日

當劇

胃實欲
無甘少

少陰病但欲寐腹脹不大便者承氣湯主之論見但欲寐

胃實續法

胃實

集傷寒大便不通 期門一云章門 照海

陰結

海已寒九治陰症服四逆數日不大便躁渴者方見躁條

自汗

成自汗者謂不因發散而自然汗出也

陽明外證身熱自汗惡寒

問曰陽明外症云何答曰身熱汗自出不惡寒反惡熱也

問曰病有得之一日不發熱而惡寒何也答曰雖得之一

日惡寒將自罷即自汗出而惡熱也問曰惡寒何故自罷

答曰陽明居中土萬物所歸無所復傳始雖惡寒二日自

止此為陽明病也傷寒轉屬陽明者其人漐然微汗出也

下證

本太陽初得病時發其汗先出不徹因轉屬陽明也汗

出身熱不惡寒便難語者宜承氣湯

論見

急下證

陽明病發熱汗多者急下之宜大承氣湯

許有人患傷寒目痛鼻乾不得臥大便不通尺寸脈俱大

已數日一夕汗出予謂速以大柴胡湯下之醫駭曰陽明

自汗津液已涸法當用蜜煎何須苦用下藥予謂曰子雖

知蜜煎爲穩當還用大柴胡湯此仲景不傳之妙公安能知之予力爭竟投大柴胡湯二貼愈仲景論陽明之病多汗者急下之人多謂已是自汗若又下之豈不表裏俱虛又如論少陰云少陰病一二日口乾燥者急下之人多謂病發於陰得之日淺但見乾燥若更下之豈不陰氣愈甚舉此二端則其可疑者不可勝數此仲景之書世人罕能讀也予謂仲景稱急下之者亦猶急當救表急當救裏之說凡稱急者有三變謂纔覺汗未至津液乾燥便速下之則爲精捷免致用蜜煎也若胃中識得了了自無可疑若未能了悞用之反不若蜜煎之爲穩也

和陽症

陽明脈浮而緊咽燥口苦腹滿而喘發熱汗出不惡寒反惡熱身重若發汗則心憤憤反譫語若加燒針必怵惕躁不得眠若下則胃中空虛客氣動膈心中懊懣舌上胎者

梔子豉湯主之若渴欲飲水口乾舌燥者白虎加人參湯

主之若脈浮發熱渴欲飲水小便不利者猪苓湯主之云

脈浮發熱口乾者邪在表脈緊自汗腹滿不惡寒者邪在裏此表裏俱有邪宜和解

小便不利飲食

陽明飲食小便反不利大便自調其人骨節疼翁翁如有

者自解

熱狀奄然發狂澀然汗出而解此水不勝穀氣與汗共并

脈緊則愈

不欲食者瀉邪

陽明病若中寒不能食小便不利手足澀然汗出此欲作

痼瘕必大便初鞭後濇所以然者以胃中冷水穀不別故

也

似陽明二症

太陽病發熱汗出不惡寒者為柔痙

論見

太陽病吐後

汗出不惡寒發熱關上脈細數曰小逆

論見

素裏

汗出身熱不惡寒裏症前條陽明病是也

汗出身熱惡

汗出身熱惡寒

風寒者宜桂枝湯

論見

兼項強痛者桂枝加葛根湯

論見

病表不
弱裏屬

項

兼骨節煩疼不得屈伸小便不利者甘草附子湯見論

風濕身
熱條

若發汗後遂漏不止惡風者桂枝附子湯見論

若夏月中暑自汗身熱惡寒脈微弱口渴足冷者白虎

加人參湯主之

方論見中

汗出
不渴

傷寒汗出而渴者五苓散主之不渴者茯苓甘草湯主之

汗出
病有

汗出心下痞滿有二症其痞按之濡軟不痛而惡寒者宜

症

附子瀉心湯其痞按之鞭引脇痛而身體不惡寒者宜十

寒湯

方論見痞條

汗後
不微

太陽病發汗遂漏不止其人惡風小便難四肢急難以屈

伸者桂枝加附子湯主之

桂枝附子湯

附子一兩

桂枝去皮二兩

生薑一兩半

甘草炙一兩

大枣十枚

右吹咀每服五錢水煎溫服

詛有一人得太陽症因發汗汗不止惡風小便濇足舉而不伸予診其脈浮而大浮爲風大爲虛予曰在仲景方中有兩症大同而小異一則小便難一則小便數用藥少差卽有千里之失仲景第七症云太陽發汗遂漏不止其人惡風小便難四肢微急難以屈伸者桂枝加附子湯第十六症云傷寒脈浮自汗出小便數心煩微惡寒脚攣急反以桂枝湯攻表此誤也得之便數咽中乾煩燥吐逆一則漏風小便難一則自汗小便數或惡風或惡寒病各不同也予用第七症桂枝加附子湯三啜而汗止佐以甘草芍藥湯足便得他

二陽併病太陽病發汗不徹因轉屬陽明續自微汗出不惡寒其人面赤燥煩短氣不知痛處但坐更發汗則愈

赤面

風濕症

發汗已身灼熱者名風溫風溫為病脈浮汗出身重多眠

宜葳蕤湯論見風溫

胃乾

發汗後大汗出胃中乾煩燥不得眠欲得飲水者少少與

之論見不得眠

動氣

動氣在左發汗則頭眩汗不止筋惕肉瞤此為逆難治注

見後

汗出而喘

汗下後汗出而喘者麻黃杏仁甘草石膏湯下後利不

止脈促喘而汗出者葛根黃芩黃連湯論俱見喘

汗出下利

汗出下利熱不去厥逆惡寒者四逆湯

下利清穀者通脈四逆湯論俱見下利汗出下利有微熱者

其脈數自愈脈緊未愈論見下利六七日後發熱而利其人

汗出不止者死論見下利

汗出吐利

脈緊反汗出而咽痛吐利者少陰病亡陽 吐利汗出手

足厥冷脈微欲絕者四逆湯 吐利止汗出而厥脈微欲

絕者通脈四逆加猪膽汁湯

方論並見吐利

驚

脈陽微而汗出者為自和也汗出多者為太過 陽明汗

多而渴者不可與猪苓湯 脈浮自汗若小便數脚攣急

者不可與桂枝湯

自汗續法

陰陽

瀉太陽自汗桂枝湯 陽明自汗白虎湯 少陰自汗四

逆湯

陽明症身熱目痛鼻乾不得臥不惡寒而自汗或惡熱而

尺寸俱浮者白虎湯主之 傷寒尺寸脈俱長自汗大出

身表如冰石脈傳至于裏細而小及瘧疾但寒不熱其人

動作如故此陽明傳入少陰戊合癸即夫傳婦也白虎加

桂枝主之然脈雖細小當以遲疾別之此症脈疾而非遲

故用此法白虎加桂枝湯方見經中

活傷寒應發汗而動氣在左不可發汗發汗則頭眩汗出

筋惕肉瞤此為逆難治先服防風白朮牡蠣散次服建中

湯

防風白朮牡蠣散治發汗多頭眩汗出筋惕肉瞤

防風 牡蠣炒成 白朮各等分

右為細末每服二錢以酒調下米飲亦得日二三服汗

止後服小建中湯

或汗出髮潤與其出如油或大如貫珠着身出而不流

皆為不治之症

傷寒汗多不止內庭瀉 合谷瀉 復溜瀉

手足汗 分寒熱 二陽併病潮熱譫語而手足漿漿汗出者陽明病短氣腹

瀉而手足濇然汗出者俱宜大承氣湯

方論見

陽明病

不能食小便不利手足濇然汗出者胃冷欲作痼瘕必大

便秘初鞭後溏

論見自汗

不得臥

陽明

身熱目疼鼻乾不得臥尺寸脈俱長者陽明受病也病人

小便不利大便乍難乍易時有微熱喘冒不能臥者有燥

屎也宜大承氣湯

汗後大汗出煩躁不得眠欲飲水者

少少與之愈

論見

汗下後不得眠若反覆顛倒心中懊

懣者梔子豉湯

方論見

若但晝不得眠夜安靜不嘔不渴

無表症脈沉微無大熱者宜乾薑附子湯

論見

少陰

少陰病欲寐二三日後煩心不得臥者黃連阿膠湯主之

論見

黃連阿膠湯

黃連

阿膠各一兩

黃芩五錢

芍藥一兩

鷄子一箇

右咬咀水二盞煎八分去渣納膠消盡又納鷄子黃攪

勻溫服日三

少陰病下利欲寐六七日後咳而嘔渴心煩不得眠者宜

猪苓湯論見下利

少陰病但欲寐脈沉細不煩五六日變自

利煩躁不寐者死論見下利

發熱下利厥逆煩躁不得臥

者死論見下利

不得臥續法

虛

傷寒吐下後心煩乏氣日夜不得眠者酸棗仁湯主之

酸棗仁湯

酸棗仁升一

麥門冬去心

甘草炙二錢半

知母半兩

茯苓

川芎

乾薑各一兩

右咬咀每服四錢水煎服

傷寒大熱乾嘔呻吟錯語不得眠者黃連解毒湯主之

黃連

黃芩

黃柏

各半

山梔

二錢

一方有阿膠

二錢

右咬咀每服五錢水煎服如未知再服進粥以此漸瘥

傷寒瘥後虛煩不得眠心中懊憹者烏梅湯主之

梔子

炒半兩

烏梅

去枝四箇

黃芩

甘草

炙各半兩

柴胡

兩

右咬咀每服四錢薑三片豉五十粒煎至七分去渣溫

服一本有竹葉七片

潮熱

成潮熱者若潮水之潮其來不失時也一日一發指時而

發者謂之潮熱若日三五發者是即發熱非潮熱也潮熱

屬陽明必於日晡時發者乃爲潮熱

陽明病潮熱大便微鞭可與大承氣湯不鞭者不與之若不大便六七日恐有燥糞欲知之可少與小承氣湯入腹中轉矢氣者此有燥糞乃可攻之若不轉矢氣者此但初頭鞭後必澹不可攻之攻之必脹滿不能食也欲飲水者與之則噦其後發熱者必大便復鞭而少也以小承氣湯和之不轉矢氣者慎不可攻也

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便秘也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

陽明病

陽明病胃實譫語而潮熱者承氣湯主之

大承氣湯

海藏云厚朴去痞枳實泄滿芒硝軟堅大黃泄實必痞滿燥實四症全者方可用之

大黃

酒浸一兩治痞大黃至腹而下

厚朴

二錢姜

枳實

一枚治心下痞按之良久氣散痛緩此并主心下滿乃肝之氣盛也

芒硝

一兩治腹中轉矢氣內有屎屎本草云味辛寒潤燥

右咬咀水二大盞煎枳朴至一大盞下大黃復煎至六

分去渣入硝又煎一二沸溫服如未利再作與服以通

為度

小承氣湯

海藏云大黃泄實厚朴去痞必痞實全者可用

大黃

酒浸一兩

厚朴

姜製二錢

枳實

炒一

右咬咀同上法煎溫服以利為度不利再服不大便

舌燥心下滿痛而日晡小有潮熱者宜大陷胃湯

陽明病發潮熱大便溏小便自利胸脇滿不去者小柴胡

湯主之

陽明為病胃實是也今便溏而言陽明病者謂陽明外証身熱汗出不惡寒反惡熱之病也

便瀉腹滿脈弦者宜

陽明中風脈弦浮大短氣腹滿腸下及心痛鼻乾不得汗
嗜臥身黃小便難時時噦而潮熱者小柴胡加枳芍主之
傷寒十三日不解胃腸滿而嘔日晡時發潮熱已而微
利此必柴胡症下之而不得利今反利者知醫以丸藥下
之非其治也潮熱者胃也先宜小柴胡湯以解外後以柴
胡加芒硝湯主之

柴胡兩一

黃芩

人參

甘草炙

生姜

已上各五錢

半夏

湯浸三錢

大棗

三枚

芒硝

一兩

每服五錢水一盞半煎至八分去渣納芒硝更微沸溫

服

診

陽明病脈浮緊者必潮熱發作有時

論見胃實有表證

潮熱續法

熱

活冬月陽明朝熱脈浮而緊者發作有時但脈澀者必盜

汗黃芩湯主之

方見下利

譫語

陽明宜下症

陽明爲病胃家實是也胃實則譫語故譫語宜入陽明門
陽明病譫語發潮熱脈滑而疾者小承氣湯主之因與承
氣湯一盞腹中轉矢氣者更服一盞若不轉矢氣勿更與
之明日不大便脈反微澀者裏虛也爲難治不可更與承
氣湯 陽明病譫語有潮熱反不能食者胃中必有燥屎
五六枚若能食者但輒亦宜大承氣湯下之 二陽併病
太陽病罷但發熱手足絳絳汗出大便難而譫語者下之
則愈宜大承氣湯 陽明病其人多汗以津液出胃中燥
大便必輒輒則譫語小承氣湯主之若一服譫語止勿更
服

實則宜下

汗出譫語者必有燥糞在胃中此爲風也須下之必過經

言身見
鄭聲

乃可下下之若早語言必亂以表虛裏實故下之則愈宜

大承氣湯夫實則譫語虛則鄭聲

譫語者謂亂語無次第
數更言也鄭聲者謂

鄭重煩煩也只將一句舊言重疊煩言之終日殷勤不換
他聲也蓋神有餘則能機變而無譫語之象更端神不足則

無機變而只守一語也

傷寒四五日脈沉而喘滿沉為在裏而反

發其汗津液越出大便為難表虛裏實久則譫語

成無已謂鄭聲

為鄭聲之聲非是前病已明

汗後語

少陽病發汗後及小便數脚攣急誤與桂枝攻表後若胃

不和譫語者少與調胃承氣湯

方論

三陽合病腹滿身

重難以轉側口不仁而面垢譫語遺尿發汗則譫語下之

則額上生汗手足逆冷若自汗出者白虎湯主之

論見身重

汗發多亡陽譫語者不可下與柴胡桂枝湯和其榮衛以

通津液後自愈發汗多又重發汗者亡其陽譫語脈短者

死脈自和者不死

諸逆發汗病微者瘥劇者言亂目眩

者死

形作傷寒其脈不弦緊而弱弱者必渴脈瀯者必譫語弱者發熱脈浮解之當汗出愈

大後語

太陽病火劫汗後身黃小便難身體枯燥頭汗腹滿微喘或不大便久則譫語論見頭汗太陽病二日反躁乃慰其背

而大汗出火熱入胃胃中水竭躁煩必發譫語十餘日振慄自下利者此為欲解也故其汗從腰已下不得汗欲小便不得反嘔欲失溲足下惡風大便鞭小便當數而反不數及多大便已頭卓然而痛其人足心必熱穀氣下流故也少陽病欬欬而下利譫語小便難者被火氣劫汗故也吐下汗溫鍼後譫語柴胡湯症罷者此為壞病知犯何逆以法治之論見壞症

下後語

胃滿譫語若下後煩驚小便不利身重不可轉側者柴胡

加龍骨牡蠣湯主之

方論見驚

氣入血室

陽明病下血譫語者此為熱入血室但頭汗出者刺期門

隨其實瀉之熾然汗出則愈

腹滿譫語脈浮緊者刺期

門

論見

太陽少陽併病發汗則譫語脈弦五六日譫語

不止者宜刺期門

論見

婦人發熱經水適來譫語為熱

入血室若熱除脈遲者身涼胃滿如結胃狀者刺期門若

晝則明了暮則譫語者無犯胃氣及上二焦必自愈活人

以小柴胡湯主之

論見婦人傷寒

傷寒十三日不解過經譫語者以有熱也當以承氣湯下

之若小便利者大便秘而反下利脈調和者知醫以丸

藥下之非其治也若自下利者脈當微厥今反和者此為

內實調胃承氣湯主之若下利譫語者有燥屎也宜小承

氣湯

方見潮熱

右下利譫語其曰脈調和而手足和小便利者陽也故用承氣下之其脈當微厥反少陰但欲寐被火氣却汗譫語小便難者陰也故當用補劑和之

但欲寐下利譫語俱見下利少

陰

許有人病傷寒下利身熱神昏多困譫語不得眠或者見下利便以譫語爲陰虛症予曰此亦小承氣症張駭曰下利而服小承氣仲景之法乎予曰此仲景之法也仲景云下利而譫語者有燥糞也屬小承氣湯而得解予嘗讀素問云微者逆之甚者從之逆者正治從者反治從多從少視其事也帝曰何謂反治岐伯曰塞因塞用通因通用王冰註云大熱內結注瀉不止熱宜寒療結復須除以寒下之結散利止則通因通用也正合於此又何疑焉

診

直視譫語喘滿者死下利者亦死

譫語妄言身微熱脈

浮大手足溫者生逆冷脈沉細者不過一日死矣

謔語續法

虛

素謔語者氣虛獨言也

全文見註愚用參芪歸木等劑治謔語得愈者百十數豈可不分虛

實一脈用黃連解毒大

和虛脈

難脫陽者見鬼

仲景謂亡陽謔語亦此義

失志者脈按小

海黃芪湯治傷寒或時悲哭或時嬉笑或時太息或語言錯亂失次世疑作謔語狂言者非也神不守室耳兩手脈

浮沉不一舉按全無力浮之損小沉之亦損小皆陰脈也

甚者叩調中九或理中九

二方並見發熱下

勞倦謔

丹浦江鄭兄年二十歲九月間發熱頭痛妄言見鬼醫與

小柴胡湯數貼熱愈甚予視之形肥面赤帶白却喜筋骨稍露診其脈弦大而數實脈本不實涼藥所致此因勞倦

成病與溫補藥自安遂以參朮為君苓芍為臣黃芪為佐

附子一片爲使與二貼而症不減或曰服既數大狂熱而
又大渴用附子誤矣予曰此虛症而誤投寒涼之藥人肥
而脈左大於右事急矣非加附子參朮焉能有急效再與
一貼乃去附子作大劑與服至五十貼得大汗而愈自後
又補養兩月氣體方始平復 一人五月內患譫語大發
熱肢體不能舉喜冷飲診其脈洪大而數用黃芪茯苓濃
煎如膏却用凉水調與之三四服後病者昏睡如死狀但
顏色不收氣息如常至次早方醒諸症悉退而安 盧允
汗後再發熱妄言呂仲脩汗後熱不退亦妄言陶明節熱
退後不識人言語謬妄皆用參芪朮歸等補劑而愈信哉
譫語屬虛者十居八九

寒熱

活大小便鞭手足冷脈微細者必鄭聲也當服溫藥白通

微利服
滋陰散

湯海藏用黃芪加乾薑湯

方見傷寒
發熱下

候輔之脈極沉細

清語為
寒

外熱內寒肩背胸脇斑出十數點語言狂亂或曰發斑謔語非熱乎予曰非也陽為陰逼上入于肺傳之皮毛故斑出神不守舍故錯語如狂非謔語也肌表雖熱以手按之須臾冷透如水與薑附等藥數日約二十餘兩得大汗而愈後因再發脈又沉遲三四日不大便與理中丸三日內約半斤其病全愈以此知侯公之狂非陽狂之狂乃失神之狂即陰虛也

便秘手
足溫脈
洪語
多而然

活大便秘小便赤手足溫脈洪數者必謔語也宜用調胃承氣湯

海治老幼及虛人傷寒五六日昏冒言妄小便或淋或澀起臥無度或煩而不得眠並宜白虎湯加山梔一錢

斗治熱病及時疫心躁狂亂奔走狀似癲癩言語不定久不得汗及時疫不知人事者以人中黃不拘多少入礮內

用泥封固武火煨半日去火候冷取出於地上以盆盛
日許研細如麪新汲水調下三錢或未退再服愈人十餘

狂亂

集聖

火劫汗後亡陽心驚狂起臥不安者桂枝去芍藥加蜀漆

牡蠣龍骨救逆湯

方論見驚

汗家重發汗必恍惚心亂小便

已陰痛與禹餘糧丸

方見瘕

下症

小腹滿發狂或身黃者宜抵當湯

論見發熱方見蓄血

疹

遺尿狂言目反直視者此為腎絕

論見大法

狂亂續法

狂而脈實者為實熱

活病人煩躁狂走妄言面赤咽痛脈實潮熱狂語如見鬼

狀此陽毒也

治陽毒法見陽毒門表者陽毒升麻湯黑奴丸裏者大黃散

本治傷寒發狂棄衣奔走踰牆上屋鵲石散

黃連

寒水石

各等分

右為細末每服二錢濃煎甘草湯候冷調下

雲傷寒心風狂妄者宜防風黃連湯

黃連 大黃 防風 遠志

茯神各半

右為細末每服一兩水煎服

海黃芪湯治傷寒或歌或笑或悲哭譫言妄語方見發熱下

狂而脈虛者為虛熱

陳志仁傷寒狂妄每欲狂走四五人扶捉不定脈虛數用

柴胡湯反劇以參芪歸朮甘草陳皮煎湯一服狂定再服

安睡

針灸 傷寒發熱不識尊卑 曲池 絕骨 百勞 湧泉

甲熱汗不出狂互引癰疾合谷主之

循衣摸床

珍治

傷寒若吐若下後不解不大便五六日至十餘日日晡所

發潮熱不惡寒狂語如見鬼狀若劇者發則下識人脩衣
摸牀惕而不安微喘直視脈弦者生濇者死微者但發熱
謔語者大承氣湯主之若一服利止後服 太陽病以火
劫發汗陰陽枯竭虛燥或不大便久則譫語甚者至臑手
足躁擾捻衣摸牀小便利者可治

論見
頭汗

証有人病傷寒大便秘不利日晡發潮熱手循衣縫兩手撮
空直視喘急更數醫矣見之皆走此誠惡候得之者十中
九死仲景雖有症而無法但云脈弦者生濇者死已經吐
下難以下藥設且救之若大便秘通而脈弦者庶可治也
與小承氣湯一服而大便利諸疾漸退脈且微弦半月愈
或問曰下之而脈弦者生此何意也予曰金匱玉函云循
衣妄撮牀惕不安微喘直視脈弦者生濇者死微者但發
熱謔語者承氣湯主之予嘗觀錢仲陽小兒直訣云手尋

衣領及捻物者肝熱也此症在玉函列於陽明部蓋陽明者胃也肝有熱邪淫于胃經故以承氣瀉之且得效脈則肝平而胃不受克此所謂有生之理諸仲景論不能博通諸醫書以發明其隱奧吾未之見也海藏云許學士作尋末疾此論誠當然莫若以爲肝熱之相其衣揭空是肝熱風濕人必妄言亂語難經云肺邪入心重謔語

循衣摸牀續法

嘗治循衣摸牀者數人皆用大補氣血之劑惟一人兼服振脈代遂於補劑中畧加桂二分亦振止脈和而愈

渴

病人不惡寒而渴者此轉屬陽明也論見不服柴胡湯

已渴者屬陽明也以法治之傷寒脈浮發熱無汗其表

不解者不可與白虎湯渴欲飲水無表證者白虎人參湯

主之渴欲飲水無表証者太陽症器停候陽明也下二條意同皆太陽轉屬陽明以渴也服桂枝

湯大汗出後大煩渴不解脈洪大者白虎加人參湯主之
傷寒病若吐若下後七八日不解熱結在裏表裏俱熱
時時惡風大渴舌上乾燥而煩欲飲水數升者白虎加人
參湯主之王註云若純在表則惡風無時
今表裏有熱故時時惡風也傷寒無大熱
口燥渴心煩脈微惡寒者宜白虎加人參湯 陽明病脈
浮緊口苦腹滿而喘若下後渴欲飲水口乾舌燥者白虎
人參湯主之

白虎加人參湯

石膏碎四兩

知母一兩

甘草一兩

粳米一合

人參二錢

右咬咀每服五錢水煎溫服

右白虎加人參五條治表渴脈洪小便利者

本有人初病嘔吐俄爲醫者下之已七八日而內外發熱

予診之曰當用白虎加人參湯或曰既吐復下且重虛矣
 白虎可用乎予曰仲景云若吐下後七八日不解熱結在
 裏表裏俱熱者白虎加人參湯正相當也蓋始吐者熱在
 胃脘而脈至今虛大三投湯而愈仲景既云傷寒若吐下
 後七八日不解表裏俱熱者白虎加人參湯主之又云傷
 寒脈浮發熱無汗其表不解不可與白虎又云脈浮滑此
 以表有熱裏有寒白虎加人參湯主之 國朝林億校正
 謂張仲景於此表裏自差矣予謂不然大抵白虎能除傷
 寒中渴表裏發熱故前後二症或云表裏俱熱或云表熱
 裏寒皆可服之一種脈浮無汗其表不解全是脈黃與葛
 根症安可行白虎也林億見所稱表裏不同便謂之差是
 亦不思之過也

溫病
 似陽明

太陽發熱不惡寒而渴者為溫病

論見溫病活人書總湯
 主之發熱不惡寒者以

而有大表解也太陽病者必頭痛身疼

表未解也此表裏兩証皆兼見
渴而下利屬少陰其病但兼欲寐小便白者四逆湯兼咳

嘔不得眠小便不利者猪苓湯兼自利純青色水者大承

氣湯有熱者白頭翁湯
方論見下利

消渴氣上衝心心疼飢不欲食食則吐就若下之則利不

止若欲飲水者少少與之愈
論見氣上衝心

太陽病發汗後大汗出胃中乾煩燥不得眠欲得飲水者

少少與之令胃氣和則愈若脈浮小便不利微熱消渴者

五苓散主之
發汗已脈浮數煩渴者五苓散主之

陽明病脈浮緊口苦腹滿發熱汗出不惡寒者下後脈浮

發熱渴欲飲水小便不利者猪苓湯主之

五苓散方

猪苓去皮 澤瀉一兩 白朮三兩 茯苓去皮

消渴吐此者服
慎忌下
小便不利而渴者太陽

桂枝去皮半兩

右咬咀為散每服三錢白湯調下海藏云五苓散當服而不之殺消水去

形亡必就陽明燥火成胃發黃故有調胃承氣症不當服而服之是為犯本小便強利津液重亡而成血症輕則桃仁承氣湯重則抵當湯主之

猪苓湯方

猪苓去皮

茯苓

阿膠

澤瀉

滑石各半兩

右咬咀每服五錢水煎溫服日三

明汗者長刺齒

渴而頭汗小便不利兼脇滿往來寒熱者柴胡桂枝乾薑

張者小者能

湯兼發黃者茵陳蒿湯論見頭汗

表不解心下有水氣乾嘔發熱咳嗽而渴者小青龍湯去

半夏加瓜蒌根湯論見

暑濕身熱足冷

夏月汗出惡寒身熱足冷而渴者為中暑白虎加人參湯

白虎加人參

反酒黃連主之

方見中暑惡寒身熱者症似表也足冷者不可去

表未解利病門

發熱惡寒腹滿汗出小便利而渴者為肝乘脾刺期門

見論

表解宜腹

滿表解不惡寒而渴者宜白虎湯

方論見前陽明

渴而滿

渴而脇滿及往來寒熱其症未經汗者小柴胡去半夏加

人參瓜蒌湯若汗下後者柴胡桂枝乾薑湯

詳見胸痛并往來寒熱

渴而心下

渴而心下鞭痛日晡潮熱不大便者為結胃宜大陷胃湯

若但鞭不痛者為痞與瀉心湯不解反渴而小便不利者

宜五苓散

詳見結胃痞氣二門

病在陽明

應汗之反以冷水嚥之灌之其熱益煩肉上粟

起意欲飲水反不渴者服文蛤散若不瘥與五苓湯

論見結胃

文蛤散方

文蛤

一兩即海蛤粉也河間丹溪多用之大能治痰

右一味為散沸湯調服方寸匕

渴欲飲水而不能飲者丹田有熱胃中有寒

論見濕痺

渴不能飲下熱上寒

渴欲飲

水逆

者五苓

渴欲飲

水逆

少與之

中風發熱六七日不解而煩有表裏症渴欲飲水水入則吐者名曰水逆五苓散主之

渴欲飲水若太陽發汗後大汗出煩躁不得眠者及厥陰

病氣起衝心心疼吐酸者少少與之愈論見前條及氣上衝凡得

時氣病至五六日而渴欲飲水不能多不當與之何者以

腹中熱尚少不能消之更與水作病也至七八日大渴欲

飲水者猶當依症與之與之常令不足勿極意也言能飲

一斗與五升若飲而腹滿小便不利若喘若噦不可與之

忽然大汗出是為自愈也治人云凡病非大渴不可飲水若小渴咽乾者少少呿潤之令

其胃中和乃佳

凡得病反能飲水此欲愈也但聞病飲水自愈小渴者亦

強與之飲因成其禍不可復救活人云強飲水致飲寧心下滿結喘者當以五苓散

或語胃下痢脈弱脈數而渴者自愈論見下利渴而發熱

其脈不弦緊而浮弱者汗出愈

論見

氣禁

陽明病汗出多而渴者不可與猪苓湯以汗多胃中燥與猪苓湯復利其小便故也

右活人云切戒太陽症無汗而渴者不可與白虎湯陽明症汗多而渴者不可與猪苓湯然太陽渴終不可與白虎耶太陽症得汗後脈洪大而渴者方可與之也陽明渴終不可與五苓散耶陽明症小便不利汗少脈浮而渴者方可與之也

渾續法

渴而食

羅傷寒食少而渴者當以和胃之藥止之不可用涼藥止

少者和

之恐復損胃氣愈不能食也白朮茯苓是也

胃不和

海秦二母病太陰病三日不解後嘔逆惡心而脈不浮與

宜溫

之半硫丸二三服不止復與黃芪建中湯脈中極緊無表

裏病胃中大熱發渴引飲皆曰陽症欲飲之水予反與薑附等藥緊脈反沉細陽猶未生以桂附薑烏之類酒丸與百九按之二日中十餘服病人身熱煩躁不寧欲作汗也又以前九接之覆以厚衣陽脈方出而作大汗翌日大小便始通下瘀血一盆如猪肝然用胃風湯加桂附三服血止其寒甚如此亦世之未見也

少陰湯
脈沉遲
凡便沉
疾在熱
沉細者
虛

少陰症口燥舌乾而渴尺寸脈俱沉沉遲則四逆湯沉疾則大承氣湯少陰口燥舌乾而渴身表涼脈沉細而虛者瀉心湯主之此有形無形藥也

人參湯治傷寒七八日汗後心煩燥渴

人參 黃芩 柴胡 葛根 各一兩

山梔 甘草 各半兩

右為籠末每服五錢薑蔥煎溫服

溫中是
湯治法

活陽毒倍常燥盛大渴者黑奴丸主之

方見陽毒

風溫加渴

甚者宜瓜蒌湯

方見風溫

中暑伏熱累治不瘥其人發渴不

已酒蒸黃連丸主之

方見中暑

診

脈熱病在腎令人渴口乾舌焦黃赤晝夜欲飲水不止腹大而脹尚不厭飲目無精光者死不治

嘔

傷寒不能食者轉屬陽明

傷寒發熱無汗嘔不能食而反汗出漉漉然者是轉屬陽

明也食穀欲嘔者屬陽明也吳茱萸湯主之得湯反劇

者屬上焦也腹痛欲嘔吐者黃連湯主之

方論見腹滿

嘔而發熱者小柴胡湯主之發熱微惡寒肢節煩疼微

嘔心下支結外症未去者柴胡加桂枝湯主之

論見發熱

太

陽病發熱惡寒身體痛嘔逆脈緊者名曰傷寒麻黃湯症

論見發熱

太陽與陽明合病不下利但嘔者葛根加半夏湯

主之

活人云頭疼身熱而亂熱目赤淚乾脉浮而長是也

葛根加半夏湯

葛根

二錢

麻黃

生薑

各一錢半

甘草

芍藥

桂枝

各一錢

半夏

二錢

大棗

二枚

右咬咀以水一斗先煎葛根麻黃減二升去白沫納諸

藥煎取三升溫服一升覆取微汗

嘔而寒熱胸滿

嘔而往來寒熱胸脇苦滿者宜小柴胡若兼下利者乃太

陽少陽合病宜黃芩加半夏生薑湯

論見往來寒熱及下利

嘔而胸滿微煩

太陽過經十餘日反二三下之後四五日柴胡症仍在者

先與小柴胡湯嘔不止心下急鬱鬱微煩者為未解也與

大柴胡湯下之愈 太陽病過經十餘日心下溫溫欲吐

而心中痛大便反溏腹微滿鬱鬱微煩先此時自極吐下

者與調胃承氣湯若不滿者不可與但欲嘔胸中痛微瀉

者此非柴胡症以嘔故知極吐下也

先渴却嘔

本渴而飲水嘔者柴胡不中與也

論見

先嘔却渴

先渴却嘔者為水停心下此屬飲家

治人云赤茯苓湯主之

先嘔

却渴者此為欲解候也

金匱云嘔思水者急與之

嘔而下利

嘔而下利有寒熱者為陽宜黃芩湯大柴胡湯無熱者為

陰宜猪苓湯真武湯

並見

嘔而厥

嘔而脈弱小便利身熱見厥者難治四逆湯主之

嘔而心煩

嘔而心煩若汗吐下後者梔子生薑湯若未嘗吐汗下

後兼欬而渴者宜猪苓湯

詳見不

忌

嘔多雖有陽明胃實不可攻之

論見

嘔家有癰膿者不

可治膿盡自愈

服桂枝嘔者酒客病

論見

乾嘔

乾嘔發熱

乾嘔發熱兼自汗惡風鼻鳴者桂枝湯兼表不解有水氣

而欬者小青龙湯方見

乾嘔乾嘔脇痛若表解身涼短氣汗出不惡寒者十棗湯若兼

往來寒熱脈沉緊者小柴胡湯論見往來寒熱

乾嘔下利乾嘔下利若兼表不解發熱而欬者小青龙湯去麻黃加

芫花湯論見若表身涼脇痛短氣汗出者十棗湯論見

心下痞若因下後心下痞硬滿腹中雷鳴日利數行者甘草瀉心

湯論見

腹微脹若脈微厥逆者宜白通湯若用白通湯溫後利不止厥逆

無脈者白通加豬膽汁湯論見

下利者乾嘔厥逆若脈微下利者通脈四逆湯白虎加豬膽汁湯

論見若脈弦遲不利者四逆湯論見

乾嘔續法

飲水仲渴而飲水嘔者紫胡不中與也宜治膈間有水赤茯苓

湯主之

赤茯苓湯治傷寒嘔噦心下滿胃脘間有停水頭眩心悸

赤茯苓

兩一

半夏

半兩製

橘紅

芎藭

各半兩

人參

兩一

白朮

兩半

右以咀每服四錢姜五片水煎服

傷寒後嘔
為餘熱

傷寒瘥後嘔者有餘熱在胃脘也竹葉石膏湯加生姜主

之

乾嘔不
止為虛

海葛根湯治傷寒乾嘔不止

葛根

人參

各一兩

茯苓

兩半

半夏

錢半製七

白朮

兩半

黃芪

七錢半

麥門冬

去心

甘草

炙各一兩

右以咀每服三錢生姜三片棗二枚同煎服

少陽病

口苦咽乾

眩

往來寒熱

脇滿痛

胸滿

胸痛

耳聾

少陽

病續法

口苦咽乾

少陽病

少陽之為病口苦咽乾目眩也

活人云宜小柴胡湯

正氣胸滿惡吐

少陽中風兩耳無所聞目赤胸中滿而煩者不可吐下吐

下則悸而驚

誤吐氣虛者悸誤下血虛者驚

脈洪發熱惡汗

傷寒脈弦細頭痛發熱者屬少陽少陽不可發汗發汗則

謵語此屬胃家胃和則愈胃不和則煩悸傷寒三日少

陽脈小者欲已也少陽欲解時從寅至辰上

口苦咽乾胃實者陽明忌汗下

陽明病腹滿脈浮緊口苦咽乾而喘若其人發熱惡寒誤

下之則腹滿小便難若其人發熱不惡寒反惡熱誤下之

則胃空虛為懊憹誤下之則謵語誤加燒鍼則不得眠

腹滿許學士云宜小柴胡湯

眩

眩而口苦舌乾者屬少陽論見眩而心下鞭項強者屬

太陽少陽併病當刺大椎肺俞忌汗下項強

陽明眩眩而胃實若能食不惡寒者中風若飽則頭眩小便難者

穀疸皆屬陽明論見

汗後太陽發汗後仍發熱心悸頭眩身腫振振欲擗地者真武

湯主之方論見

誤汗動氣在左誤汗則頭眩汗不止筋惕肉瞤方論見動氣在

湯諸逆誤汗而言亂目眩者死論見頭眩脈沉緊發

汗則動經身為振振搖論見

往來寒熱

往來寒熱木太陽病不解轉入少陽者脇下鞭滿乾嘔不能食往來

寒熱寒熱尚未吐下脈沉緊者與小柴胡湯若已吐下發汗溫

針譴語柴胡症罷此為壞病知犯何逆以法治之傷寒

五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞硬或心下悸小便不利或不渴身有微熱或欬者小柴胡主之血虛氣盡滕理開邪氣因入與正氣相搏結於脇下正邪分爭往來寒熱休作有時默默不欲飲食者臟腑相連其病必下邪高病下故使嘔也宜

小柴胡湯

柴胡

二兩

黃芩

人參

甘草

各三錢

半夏

薑製六錢

右咬咀每服五錢生薑五片棗三枚同煎溫服日三服

若胸中煩而不嘔去半夏人參加瓜蒌實一枚若

渴者去半夏加人參三錢括萎根一兩若腹中痛者

去黃芩加芍藥三分若脇下痞硬去大棗加牡蠣一

兩 心下悸小便不利者去黃芩加茯苓一兩 若不
渴外有微熱者去人參加桂三分溫覆取微汗愈 若
欬者去人參大棗生薑加五味子半兩乾薑三分
凡柴胡病下之不罷者復與柴胡湯必蒸蒸而振却發熱
汗出而解 傷寒中風有柴胡症但見一症便是不必悉
具

結胸大柴胡湯 傷寒十餘日熱結在裏復往來寒熱者宜大柴胡湯 結胸見
大柴胡湯

柴胡二兩

黃芩

芍藥

各半兩

半夏

製六錢

生薑

一兩

枳實

半兩

大黃

一兩

右咬咀每服五錢加大棗三枚水煎溫服以利為度未
利再服

時有人病傷寒心煩喜嘔往來寒熱醫以小柴胡與之不

除予曰脈洪大而實熱結在裏小柴胡安能去之仲景云傷寒十餘日熱結在裏復往來寒熱者與大柴胡湯三服而病除蓋大黃瀝滌蘊熱傷寒中要藥王叔和云若不用大黃恐不名柴胡須酒洗生用有力

汗下後
腹滿小
便閉頭
汗心煩

傷寒五六日已發汗而復下之胸腹滿微結小便不利渴而不嘔但頭汗出往來寒熱心煩此為未解也宜

桂枝湯
桂枝湯
桂枝湯

柴胡桂枝乾薑湯

柴胡

二兩

桂枝

乾薑

各半兩

枳實根

黃芩

各一兩

牡蠣

甘草

炙各半兩

右咬咀每服五錢煎溫服微煩再服汗出愈

脈微滿者亡血

病人脈微而濡者此為醫所病也大發其汗又數大下之其人亡血病當惡寒後乃發熱無休止時夏月盛熱欲着複衣冬月盛寒欲裸其身所以然者陽微則惡寒陰弱則

發熱此醫發其汗令陽氣微又大下之令陰氣弱五月之時陽氣在表胃中虛冷以陽氣內微不能勝冷故欲着複衣十一月之時陽氣在裏胃中煩熱以陰氣內弱不能勝熱故裸其身又陰脈遲濇故知血亡也

右脈微因大發汗所致故病當惡寒之時雖盛夏亦欲着複衣脈濇因大下所致故病當惡寒後發熱之時雖盛冬亦欲裸其體是皆亡血陽微陰弱不能勝冷勝熱非是盛夏牽延至盛冬也

脇滿痛

少陽脇滿乾嘔往來寒熱者屬少陽

方論見往來寒熱

太陽傷寒四五日身熱惡風頸項強脇下滿手足溫而渴者小柴胡去半夏加人參瓜蒌根主之得病六七日脈沉浮弱惡風寒手足溫醫二三下之不能食而脇下滿痛面目

及身黃頸項強小便難者與柴胡湯必下重

陽明

本渴而飲水欲嘔者柴胡不可與也食穀者噦王註云不

嘔者屬柴胡症若因水而嘔者水停心下也

脇滿胃家實或嘔而舌上白胎

者或脈弦浮大身黃小便難有熱者俱屬陽明症宜小柴

胡湯方論見

脇滿潮熱大便溏利者小柴胡湯方論見

表裏若因下微利而嘔者先以柴胡湯解外後以柴胡加芒硝

湯主之方論見

太陽病十日已去脈浮細而嗜臥者外

已解也若胃滿脇痛者與小柴胡湯脈浮者與麻黃湯

太陽中風下利嘔逆表解者乃可攻之其人漐漐汗出發

作有時頭痛心下痞鞭滿引脇下痛乾嘔短氣汗出不惡

寒者此表解裏未和也宜

十棗湯

芫花炒

甘遂

大戟各等分

右爲細末合和之再入臼中杵二三百下先以水一升
煮肥蔥十枚取五六合去渣納藥末強人一錢虛人半
錢單飲寒湯送下平旦服若下少病不除者明日更服
加五分利後米粥自養若合下不下令人脹滿遍身浮
腫也昔杜壬問孫兆曰十棗湯畢竟治甚病孫曰治太
陽中風表解裏未和杜曰何以知裏未和孫曰頭痛心
下痞滿脇下痛乾嘔汗出此知裏未和也杜曰公但言
病症而所以裏未和之故要緊總未言也孫曰某嘗於
此未決願聽開論杜曰裏未和者蓋痰與燥氣壅於中
焦故頭疼乾嘔短氣汗出是痰隔也非十棗不治但此
湯不得輕用恐損人於倏忽用藥者慎之

婦人發熱惡寒經水適來熱除脈遲身涼脇滿如結胃狀

諸語者則期門

論見

診

吐下汗後脈微心下痞脇痛氣上衝咽眩胃脈動惕者成

瘕

論見下後脈弦者必兩脇拘急

論見傷寒大法

脇痛續法

針灸

傷寒脇痛 支溝 陽陵泉

胃滿

少陽滿

口苦咽乾又耳龍胃滿者屬少陽忌吐下宜柴胡湯

少陽滿

太陽陽明合病喘而胃滿者宜麻黃湯

論見

少陰滿

少陰病下利咽痛胃滿心煩者宜猪膚湯

方論見

下後滿

太陽病下之脈促胃滿者桂枝去芍藥湯

促不結胃者欲解也

論見

下後胃滿小便不利若兼煩

驚諸語身重不可轉側者柴胡加龍骨牡蠣湯

兼噦而舌胎者為濕痺

論見

汗下後煩熱胃中空者梔子豉湯主之

論見

症輕似
沉者臥

病症發熱惡寒加桂枝或自汗但頭不痛項不強胸中痞
鞭氣上衝咽喉不得息者瓜蒂散主之

論見氣
上衝

胸痛

少陽

胸脇痛耳聾尺寸脈俱弦者少陽受病也

論見大法活人
云柴胡湯主之

宜吐症

病胃中諸實胃中鬱鬱而痛不能食欲使人按之而反有

涎唾下利十餘行其脈反遲寸口脈微滑此可吐之利則

止

宜下症

吐下後溫溫欲吐胃中痛大便澹腹滿而煩者宜調胃承

氣湯

論見

耳聾

少陽

胃腸痛耳聾尺寸脈俱弦者少陽受病也

論見
大法

口苦耳

聾胃滿者少陽中風

論見
口苦

未持脈時病人手必自冒胃師因教試令欬而不欬此必

兩耳聾無聞也所以然者以重發汗虛故如此

少陽病續法

表裏中三法

海辨表裏中三說假令少陽症頭痛往來寒熱脈浮此三症但有其一即為表也口失滋味腹中不和大小便或閉而不通或泄而不調但有其一即為裏也如無上下表裏症餘皆虛熱也是病在其中矣

陽氣毒盛變陽毒

咽痛面赤斑斑如錦紋咽喉痛唾膿血五日可治

陽毒之為病面赤斑斑如錦紋咽喉痛唾膿血五日可治七日不可治宜

升麻

升麻鱉甲湯

升麻

當歸

蜀椒

甘草

鱉甲

手拈大雄黃研半

右六味以水四升煮取一升頓服之取汗愈肘後千金

方陽毒升麻湯有桂無蠶甲陰毒用甘草湯無雄黃

陽毒續法

活陽毒升麻湯治傷寒一二日便成陽毒或服藥吐下之後變成陽毒腰背痛煩悶不安面赤狂言奔走或見鬼或下利脈浮大數面赤斑斑如錦紋咽喉痛下膿血五日可治七日不可治

升麻

犀角鎊

射干

黃芩

人參

甘草各等分

右咬咀水煎服食頃再服溫覆手足出汗則解不解重作

後世更
陽毒

陽毒梔子湯治陽毒傷寒發熱百節疼痛

升麻

黃芩

杏仁各二錢

梔子

赤芍各一錢

石膏二錢

知母

大青各一錢

甘草

五分

柴胡

一錢半

右咬咀每服半兩薑五片豉百粒同煎

大黃散治陽毒傷寒未解熱在內恍惚如狂

大黃

一兩半

桂心

二分

甘草

炙

芒硝

木通

大腹皮

各一兩

桃仁

二十枚

右咬咀水煎服以利為度

海葛根散治陽毒身熱如火頭痛躁渴咽喉乾痛

葛根

七錢半

黃芩

半

大黃

備

甘草

山梔

朴硝

各半兩

右咬咀水煎服

范黑奴丸治時行病六七日未得汗脈洪大或數面赤目痛身體大熱煩躁狂言欲走大渴甚又五六日已上不解熱在胃中口噤不能言為壞傷寒醫所不治或人精鬼已

竭心下尚煖撥開其口灌藥下咽即活兼治陽毒及發斑

麻黃

去節泡

大黃

二

釜底煤

研

黃芩

芒硝

竈突墨

研

梁上塵

小麥奴

各一

右爲末煉蜜丸如彈子大新汲水研下一丸渴者與冷水盡飲之須臾當寒寒竟汗出便瘥若無汗再服一丸須微利效小麥奴即小麥未熟時叢中不成麥捻之成黑勃是也此藥須是病人大渴倍常躁盛者乃可與之若不渴者服之反爲禍耳

水漬法

脈洪大內外結熱舌卷焦黑鼻中如烟煤宜以水漬布薄之疊布數重新水漬之稍按去水搭於背上須臾蒸熱又漬冷如前薄之仍換新水數十易熱甚者置病人於水中勢纔退則已亦一良法也

陰陽毒

丹砂丸治傷寒陰陽二毒相伏危惡形症

舶上硫黃 水銀

太陰石

玄精石各一兩

硝石

半兩

太陽石一兩

右爲末用無油銚子以文武火炒上項藥令勻如灰色研極細生姜自然汁浸炊餅丸如菉豆大每服五丸龍腦生姜蜜水下壓其躁也若陽毒裏湯下陰毒白湯下不許於屋底炒

太陰病

腹滿

腹痛

王叔和云元陽明篇

吐與利下三門並附入少陰病蓋此三門之病本屬太陰病因在少陰者反多故附入少陰也

腹滿

太陰病

太陰之爲病腹滿而吐食不下自利益甚時腹自痛若下之必胸下結硬 太陰病脈浮者可發汗宜桂枝湯 本太陽病醫反下之因小腹滿時痛者屬太陰也桂枝加

芍藥湯主之
大便秘實痛者桂枝加大黃湯主之

桂枝加芍藥湯

桂枝

生薑各一兩半

甘草一兩

芍藥三兩

大棗六枚

右咬咀每服五錢水煎溫服

桂枝加大黃湯

桂枝一兩

芍藥一兩

甘草二兩半

大黃半兩大便秘實者

者加一兩虛者減五錢

右咬咀大棗三箇生薑四片水煎溫服

太陰病脈弱其人續自便利設當用大黃芍藥者宜減之

以其人胃氣弱易動故也 太陰中風四肢煩疼陽微脈

濡而長者為欲愈 太陰病欲解時從亥至丑 腹滿時

痛吐利者為太陰 論見前 太陰條

腹滿宜溫三症霍亂吐利頭痛發熱身痛不渴而腹滿者理中丸加附子

主之論見吐利下利腹脹滿身痛者四逆溫裏後用桂

枝攻表論見下利

腹滿宜利三症噦而腹滿視前後部有不利者利之則愈論見噦少陰腹

滿脹不大便者宜大承氣湯論見不大便

腹滿宜和二症腹滿小便不利身黃者茵陳蒿湯論見黃若兼脇下痛脈

弦浮大者宜小柴胡湯論見身黃

腹滿不減減不足言當下之宜大承氣湯腹滿時減復

如故此虛寒從下而上也當以溫藥和之

太陰病腹滿時痛脈浮者宜桂枝湯論見前太陰條陽明脈弦

浮大脇痛身黃而腹滿者小柴胡湯論見鼻乾傷寒腹滿譫

語寸口脈浮而緊此肝乘脾也名曰縱宜刺期門陽明

病腹滿脈浮緊口苦咽乾而痛若其人發熱惡寒者下之

腹滿脈遲忌下

則腹滿小便難若其人發熱汗出不惡寒反惡熱者下之則懊憹汗之則譫語加燒鍼則怵惕不眠論見胃家實註云當和解之陽明病腹滿脈遲若頭眩小便難者不可下若潮熱汗出不惡寒者大承氣主之論見胃實

腹滿自汗四症

三陽合病腹滿身重難轉側譫語遺尿自汗者宜白虎湯論見合病傷寒發熱脈濇惡寒大渴欲飲水其腹必滿自汗

出小便利其病欲解此肝乘肺也名曰橫且刺期門腹

滿汗出不惡寒而喘若脈遲潮熱者大承氣湯若脈浮緊

口苦咽燥者忌發汗忌燒鍼忌下

論見腹滿脈浮濇條

汗後腹滿

發汗後腹脹滿者厚朴生薑甘草半夏人參湯主之

厚朴生薑人參甘草半夏湯

厚朴

生薑各二兩

半夏六錢

人參一兩

甘草五錢

二

右咬咀每服五錢水煎溫服

吐下後
腹滿

下利清穀若發汗必脹滿論見傷寒吐後腹脹滿者與

調胃承氣湯 下後心煩腹滿臥起不安者梔子厚朴湯

論見極吐下後溫溫欲吐胸痛便澹腹滿而煩者調胃

承氣湯論見

禁惡

不大便六七日少與小承氣湯不轉矢氣者不可攻之攻

之則腹滿不能食論見不腹滿吐利者忌下論見腹

滿脈浮緊口苦咽乾者忌汗下論見腹滿脈遲者忌

下論見前腹滿脈弱自利設用大黃時藥宜減之論見

中條

腹滿續法

收滿脈
沉細無

活若飲食不節寒中陰經胸膈不快腹滿閉塞唇青手足

力者埋

冷脈沉細少情緒或腹痛急作理中湯加青皮每服一二

劑胃即快矣枳實理中九五積散尤妙 腹脹滿者宜桔

梗半夏湯

桔梗半夏湯治傷寒心腹痞滿時發疼痛

桔梗微炒

半夏洗

橘紅各一兩

右咬咀每服四錢生薑三片水煎服

脹沉細
有力者
宜承氣

海少陰症小便遺瀉大便遺失其人病六七日靜重如山
目不視體如米腹脹滿與物則咽不與則不求其脈沉細
而微疾按之有力宜急下之與大承氣湯

腹痛

並瀉吐
利者大陰

腹滿而痛吐利者屬太陰宜四逆湯

論見腹滿
太陰條

頭痛發
熱者宜

若兼頭痛發熱身痛者屬霍亂 霍亂腹痛不渴者理中

丸加人參

論見
吐利

腹滿痛
不大便

病腹中滿痛者此為實也宜大承氣湯下之 病人不大

為陽

便五六日繞臍煩疼發作有時者有燥糞故使不大便也

發汗不解腹滿痛者急下之宜大承氣湯 大下後六七

日不大便煩不解腹滿痛者此有燥屎也所以然者本有

宿食故也宜大承氣湯 汗下後不大便而渴日晡潮熱

從心下至小腹鞭滿而痛者宜大陷胃湯

方論見結胃

腹滿下利者

少陰病腹滿下利若小便不利四肢重痛者真武湯便膿

血者桃花湯若下利清穀手足厥逆脈微欲絕者通脈四

逆湯去蔥白加芍藥

腹痛厥逆為陰

少陰病腹痛若四肢逆而不溫者四逆散加附子

方論見欲寐

若手足厥冷脈微欲絕者通脈四逆加芍藥湯

方論見下利

腹滿嘔吐者為陽

傷寒胃中有熱胃中有邪氣腹中痛欲嘔吐者宜

黃連湯

甘草 炙

黃連

乾薑

各三分

大棗

十三枚

半夏兩半

人參

桂枝各三分

石咬咀水煎服分二服

往來寒熱胃脇滿心煩喜嘔而腹痛者小柴胡去黃芩加

芍藥湯

方見往來寒熱條

應痛脈以瀉者建中

傷寒陽脈濇陰脈弦當腹中急痛者先與小建中湯不瘥

者再與小柴胡湯

小建中湯

桂枝

一兩半

甘草

炙一兩

芍藥

三兩

生薑

一兩

大棗

六枚

膠飴

八兩

右咬咀每服五錢生薑三片同煎至八分去渣下膠飴

兩匙許再煎化服

東垣云芍藥味酸於土中瀉木為君臣佐使

水瀉亦來海土故脈弦而腹痛肉桂太辛熱佐芍藥以

建中之名始于此焉

傷寒四五日腹中痛者轉矢氣及少腹滿者此欲自利也

腹痛續法

針灸

雲傷寒邪在三陰內不得交通故為腹痛手足之經皆會

於腹如脈弦而腹痛過在足厥陰肝手太陰肺刺太衝太淵太陵如脈沉而腹痛過在足太陰脾少陰腎手厥陰心包刺太谿太陵如脈沉細而痛過在足太陰脾手少陰心刺太白神門三陰交此刺腹痛之法也

腹滿飲吐不利
飲瀉不
瀉瀉致
霍亂

丹乾霍亂此係內有所傷外為邪氣所遇有用吐藥者則兼發散之義有用溫藥解散者不可用涼藥宜用二陳湯加解散藥如川芎蒼朮防風白芷之類是也

無鹽湯治乾霍亂壅滯宿食不消積冷心腹煩滿鬼氣用煎鹽湯三升熱飲一升刺口令吐宿食使盡不盡更復吐訖復飲三吐乃止此法大勝諸治俗人以為田舍淺近之

法鄙而不用守死而已凡有此病卽先用之吐訖後詳症脈以加減理中湯治中湯欬緩調之

直薑鹽湯治欲吐不吐欲瀉不瀉

鹽

生薑

右同炒色變以水一碗煎溫服病甚加童便一盞

世勝靈丹治乾霍亂腹痛甚者取千年石灰湯泡服

成病有乾霍亂濕霍亂乾霍亂死者多濕霍亂死者少蓋吐利則所傷之物得以出洩雖甚重胃中水穀洩盡則止矣所以死者少及乾霍亂死多者以其上不得吐下不得利則所傷之物不得出洩壅閉正氣隔絕陰陽煩擾悶躁喘脹而死者多矣

無乾嘔霍亂者忽然心腹脹滿絞痛蟲毒煩冤欲吐不吐欲利不利狀若神靈所附頃刻之間便致悶絕

黃王叔和原
入陽明篇

太陰
濕熱黃
便不利

傷寒脈浮而緩手足自溫者是為繫在太陰當發身黃小便自利者不能發黃至七八日雖暴煩下利日十餘行必

自止以脾家實腑穢當去故也

海色如煙薰黃乃濕病也一身盡痛色如橘黃乃黃病也一身不痛

濕源者
甘附

成濕家之黃也身黃似薰黃雖黃而色暗不明也熱家之

黃也身黃似橘黃色甚者勃勃出紫着衣正黃如黃栢是其正黃色也色如薰黃一身盡痛發熱者為濕痺若脈沉緩小便不利者甘草附子湯五苓散若脈大頭痛鼻塞者納藥鼻中則愈矣

論見
體痛

濕在上
者納藥
鼻中

評一人病身體痛面黃喘滿頭痛自能飲食大小便如常予診之脈大而虛鼻塞而煩予曰非濕熱宿穀相搏此乃

陽明熱
頭汗出
者茵陳

頭中寒濕非茵陳五苓不可行也仲景云濕家病身疼痛發熱面黃而喘頭痛鼻塞而煩其脈大自能飲食腹中初無病病在頭中寒濕攻鼻故塞納藥鼻中則愈仲景無藥方此方見外臺刪繁症云治天行熱病蓋通貫臟腑寒濕沉於骨髓之間或為黃疸宜瓜蒂散即此方也瓜蒂散方見後黃續又有一舟稍病傷寒發黃鼻痠痛身與目如金色小便赤而數大便如常或者欲用茵陳五苓予曰非其治也小便利大便如常則知病不在臟今眼睛鼻頰痛是病在清道中清道者華蓋肺之經也若下大黃則必腹脹為逆亦用瓜蒂散先含水次搗之鼻中黃水盡乃愈

傷寒七八日身黃如橘子色小便不利腹微滿者茵陳湯主之陽明胃家實身無汗但頭汗出小便不利飲水漿發黃亦茵陳蒿湯主之

茵陳蒿一兩者大黃半兩 山梔二錢

右咬咀用水三大盞先煎茵陳減半納二味煎熟溫服
日三服小便當利如皂莢汁狀色正赤過一宿腹滿減
黃從小便中去也

身黃身黃脇痛小便難未下者宜柴胡下後者忌柴胡二法俱見

汗後身黃傷寒發汗後而身目俱黃所以然者以寒濕在裏不解故

也法不可下當於寒濕中求之與熏法同

上後身黃太陽病脈浮數為表未解醫反下之若不結胃但頭汗出

餘無汗劑頸而還小便不利身必發黃論見結胃活人云茵陳湯主之

陽明病面赤攻之必發熱身黃小便不利論見胃實陽明病

黃而腹滿脈遲飽則頭眩小便難者雖下之腹滿如故論見

腹滿下後不能食脇下滿痛頸項強小便難而身黃者與

柴胡湯必下重

火後身黃

陽明病被火額上微汗出小便不利者身必發黃 風溫

脈浮汗出身重多眠若被火則微發黃色劇則如驚癇時
瘕瘕風溫見 太陽病中風以火劫發汗邪風被火熱血氣

畜血身黃

流溢失其常度兩陽相熏灼其身發黃論見頭汗
身黃脈沉結少腹鞭而小便自利其人發狂大便黑者為

畜血宜抵當湯論見畜血

瘧熱身黃

傷寒身黃發熱者梔子黃柏皮湯主之

梔子十五枚

甘草兩

黃柏二兩

右咬咀每服五錢水煎溫服

傷寒瘧熱在裏身必發黃麻黃連翹湯主之

麻黃節去

連翹根

生薑

甘草各一兩

赤小豆

梓白皮

生各半升杏仁二十粒

大棗六枚

右咬咀每服五錢用潦水一盞半煎溫服

麻黃杏仁生薑甘草大棗

五味其辛發散表邪為陽也赤小豆連翹梓皮酸苦泄裏為陰也潦水味薄不助陰氣也

右身黃小便自利小腹鞭而狂大便黑者為畜血則宜抵當湯下之若小便不鞭其人不狂大便不黑者雖小便利非畜血也其為症有三一者梔子柏皮湯二者麻黃連翹赤小豆湯皆治身黃小便利而身不疼者海藏所謂乾黃是也三者桂枝附子湯去桂加白朮湯皆治身黃小便利而一身盡痛者活人所謂中濕是也

診

汗下燒針後心下痞而胸煩者面色青膚潤難治色微黃

手足溫者易治

論見

身黃禁忌

見前汗後身黃下後身黃

黃續法

陰汗身黃沉

海傷寒病遇太陽太陰司天若下之太過往往變成陰黃一則寒水太過水來犯土一則土氣不及水來侵之多變

此疾一則茵陳茯苓湯加當歸桂枝二則茵陳橘皮湯加

姜朮半夏三則茵陳附子湯四則茵陳四逆湯五則茵陳

姜附湯六則茵陳吳茱萸湯方見如左 發黃小便不利

煩躁而渴茵陳湯加茯苓猪苓滑石當歸官桂主之韓氏名茵

陳莖發黃煩躁喘嘔不渴茵陳湯加陳皮白朮生姜半

夏茯苓主之韓氏名茵發黃四肢遍身冷者茵陳湯加

附子甘草主之韓氏名茵發黃肢體逆冷腰上自汗茵

陳湯加附子乾姜甘草主之韓氏名茵發黃冷汗不止

者茵陳湯加附子乾姜主之韓氏名茵發黃前服姜附

諸藥未已脈尚遲者茵陳加吳茱萸附子乾姜朮通當歸

主之韓氏名茵趙宗顏因下之太過生黃脈沉細遲無

力次第用藥至茵陳附子湯大效

按海藏次第用藥者謂先投韓氏茵陳茯苓湯次投茵

陳陳皮湯又次投茵陳附子湯後趙秀才次第飲此

趙秀才因下之早黃病脈寸微尺弱身冷次第用藥至茵

陳四逆湯大效傷冷中寒脈弱氣虛變為陰黃仲景理

中湯加茵陳服之

便赤能食面黃

茵陳湯治傷寒發黃目赤黃小便赤

茵陳

山梔

柴胡

黃柏炙

黃芩

升麻

龍膽草

各半兩

大黃炒一兩

右咬咀水煎空心服以利為度

往來寒熱而發汗不微而黃

海往來寒熱一身盡黃者小柴胡加梔子湯主之

發汗不微而黃

一僧傷寒發汗不微有留熱身面皆黃多熱期年不愈

醫作食黃治之治不對病不去問之食不減尋與此藥服

五日病減三分之一十日減三分之二二十日病悉去方

用茵陳梔子各三分秦艽升麻各四錢末之每用三錢水

小便不利而黃

四合煎及二合去查食後溫服以和為度

活五苓加茵陳蒿湯治發黃而渴小便不利

茵陳蒿湯分五苓湯分五

右二劑拌勻每服三錢日三服水調下

黃家而

又方傷寒欲發黃者急用瓜蒂末口含水搗一字許入鼻中出黃水其驗即用茵陳湯調五苓散服之最效

本治頭中濕熱發黃疸瓜蒂散

瓜蒂

二十枚

赤小豆

黍米

各十四粒

右為細末如大豈大一粒許納鼻中縮入當出黃水慎不可吹入

黃家而

雲結胃發黃太陽附本也

以結胃治之

痞氣發黃太陰附本

也

診

活問白虎症亦有身熱煩渴引飲小便不利何以不發黃

答曰白虎與發黃症相近遍身汗出此為熱越白虎症也
頭面汗出頸已下無汗發黃症也

成傷寒發黃是病已極是有不治者多矣非止寸口近掌
無脈鼻氣出冷為不治之症又若形體如烟熏直視搖頭
者是為心絕環口黧黑柔汗發黃是為脾絕皆不治之症
也

少陰病 但欲寐嗜臥 口燥咽乾 咽

痛 吐 吐利 下利

但欲寐嗜臥

少陰之為病脈微細但欲寐衛氣奮則行陽寐則行陰而

病但欲寐

少陰病始得之反發熱脈沉者麻黃附子細辛湯主之見方

少陰病
發熱
汗之

口燥咽乾者微汗之

少陰病得之二三日麻黃附子甘草湯微發汗以二三日

無症故微發汗也無症謂無吐利厥症

麻黃附子甘草湯

麻黃

甘草炙各二兩

附子一枚炮去皮切

右咬咀每服五錢水煎溫服須二三服以身汗為度

口和身解惡寒

少陰病得之一二日口中和其背惡寒者當灸之附子湯

主之

附子半枚

茯苓七錢半

人參半兩

白朮一兩

芍藥七錢半

右咬咀每服五錢水煎溫服日三

口燥咽乾

少陰二三日口燥咽乾者大承氣湯急下之方論見口燥咽乾

咽痛

若咽痛者甘草湯不瘥者桔梗湯方論見咽痛

心煩不

少陰病得之二三日已上心中煩不得臥黃連阿膠湯主

之方見不

腹滿小陰病二三日至四五日腹滿小便不利若便膿血者桃花

湯主之方論見

身重下利若四肢重痛下利者真武湯主之方論見

腹脹咳少陰病六七日腹脹不大便者急下之宜大承氣湯方見

少陰病下利至六七日變咳而嘔渴心煩不得眠者猪

苓湯主之

診寒則少陰病脈微細沉但欲臥汗出不煩自欲吐至五六日自

利復煩躁不得寤寐者死 少陰病六七日息高者死

少陰病脈緊至七八日自利脈緊變暴微厥手足反溫者

欲解也論見 少陰病八九日一身手足盡熱者以熱在

膀胱必便血也 口燥咽乾但欲寐方論見 欲吐不吐

但欲寐方論見 吐利但欲寐方論見 下利但欲寐方論見

少陰病
利下重

利 少陰病但厥無汗而強發之必動其血未知從何
出或從口鼻或從目出是名下厥上竭為難治 少陰病
四逆惡寒而身踈脈不至不煩而躁者死 少陰病惡寒
身踈而利手足逆冷者不可治

下重者宜 少陰病四逆其人或欬悸或小便不利或腹中痛或泄利

四逆散

甘草

枳實

柴胡

芍藥各等分

右為細末日飲和查服方寸匕日三服如欬者加五味
子乾薑各五分并主下利 悸者加桂枝五分 小便
不利者加茯苓五分 腹中冷痛者加附子一枚炮令
拆 泄利下重者先以水五升煮薤白三升去查以散
三方寸匕納湯中煮取一升半分溫再服

少陰脈

少陰病手足逆冷其人若下利後重者此條四逆散加薤

白湯若下利脈絕及無脈者通脈四逆湯白通加猪膽汁

湯方論見

若身體骨節痛脈沉者宜附子湯 少陰病

脈沉者急溫之宜四逆湯方見

少陰病身體痛手足寒

骨節痛脈沉者附子湯主之

少陰病脈沉發熱者宜前

條麻黃附子細辛湯

少陰病欲解時從子至寅上 少

陰病惡寒而踴時自煩欲去衣被者可治 少陰病下利

止而頭眩時時自冒者死

少陰中風脈陽微陰浮者為

欲愈

少陰病脈細沉數病為在裏不可發汗 少陰病

脈微不可發汗亡陽故也陽已虛尺部弱澹者不可復下

之

陽症脈

太陽病十日已去脈浮細嗜臥者外已解也胃滿腸痛者

小柴胡湯脈但浮者麻黃湯

方見

脈浮汗出多眠若身

重息軒者風溫

方論見風溫

若合目則盜汗出者三陽合病

方論見盜汗

目開欲眠為孤

孤或病默默欲眠目不得開不欲飲食惡聞食臭其面目

乍赤乍黑乍白其聲啞者其草瀉心湯咽乾者苦參湯

其肛重蝕雄黃熏之其脈洪無熱目赤皆黑者當歸赤小

豆散

並見脈感條

口燥咽乾

但欲寐

少陰病得之二三日口燥乾者宜下之大承氣湯

少陰

少陰身

病自利純青色水心下痛口燥乾者宜大承氣湯

論見下利

者陽明

傷寒無大熱口燥渴背惡寒者白虎加人參湯

陽明病

發熱汗出不惡寒反惡熱若口乾舌燥者白虎加人參湯

方論見渴表解條

心滿痛

太陽病下後不大便日晡潮熱心下滿痛而舌上燥渴者

宜大陷胃湯

喉中不
咽者動

陽明病口燥但欲嗽水不嚥者必血滿心下手不可近者

掘仁承
氣主之

肺敗症
病忌

病人默默欲眠目不能閉起居不安聲啞或咽乾者當作

狐惑治之 咽喉乾燥者不可發汗

咽痛

咽痛欲
寐者少
陰

少陰病二三日咽痛可與甘草湯不瘥桔梗湯 甘草湯

用甘草二兩以咀每服四錢水煎去香溫服日三服 桔

梗湯用甘草二兩桔梗一兩以咀每服五錢水煎溫服

少陰病咽中痛半夏散及湯主之

半夏製

桂枝

甘草各等分

右以咀水煎服少少咽之為散白湯調服方寸匕亦效

日三服 仲景法為散
細服不咬咀

成甘草湯主少陰客熱咽痛桔梗湯主少陰寒熱相搏咽痛半夏散及湯主少陰客寒咽痛

少陰病咽中生瘡不能言語聲不出者苦酒湯主之

半夏製十 鷄子一箇去黃納半夏

右二味納半夏著苦酒以鷄子殼置刀鐮中安火上令

三沸去查少少含咽之不瘥更作三劑

診脈緊當無汗反汗出者亡陽也此屬少陰法當咽痛而復

吐利論疑

師曰伏氣之病以意候之今月之內欲有伏氣假令舊有

伏氣當須脈之若脈微弱者當喉中痛似傷寒非侯痺也

病人云實咽中痛雖爾今復欲下利見後活人總法

咽痛下利兼胃滿者猪膚湯厥逆面赤者通脈四逆湯下

後復厥逆下部脈不至者麻黃升麻湯並見下利

咽痛下利少陰厥陰

面赤斑斑者陽毒

陽毒咽痛面赤斑斑如錦紋唾膿血五日可治七日不可

治宜升麻鱉甲湯

活人云陽毒升麻湯主之論見陽毒升麻湯

陰毒

陰毒咽痛面目青身痛如被杖五日可治七日不可治升

麻鱉甲去雄黃蜀椒湯

活人云陰毒升麻湯主之論見陰毒升麻湯

太陽下後脈緊者必咽痛

論見大法

陽明病頭眩而熱者必

咽痛若不效者咽不痛先服後熱者下利必自止止而

反汗出者其喉為瀉發熱無汗者下利必自止若不止者

必便膿血其喉不痺

論見下利

咽中閉塞不可發汗發汗則吐血氣欲絕手足厥冷欲得

蹙臥不能自溫咽中閉塞不可下下之則上輕下重水

漿不下臥則欲蹙身急頭眩下利日數十行

咽痛續法

與伏氣

活半夏桂枝甘草湯治伏氣之病謂非時有暴寒中人伏

氣於少陰經始不覺病旬月乃發脈更微弱先發咽痛似傷寒非喉痺之病必下利始用半夏桂枝甘草湯主之此病只二日便瘥古方謂之腎傷寒也次用四逆主之

半夏桂枝甘草湯

半夏湯

甘草炙

桂心各等分

右咬咀每服四錢水煎候冷少少細呷之

即仲景半夏散及湯但藥

耳

附吐

腹滿而吐太陰

腹滿時痛而吐者太陰病

論見腹滿活人云理中湯主之

不吐而利

少陰病欲吐不吐心煩但欲寐自利而渴

論見下利活人云四逆湯主之

少陰病飲食入口則吐心中溫溫欲吐復不能吐始得之手足寒脈弦遲者此胃中實不可下也當吐之若膈有寒飲乾嘔者不可吐也急溫之宜四逆湯 少陰病但欲

臥不煩而吐五日變自利煩躁不得寐者死論見但欲寐

腹瀉欲吐腹痛欲嘔吐者宜黃連湯

吐後欲飲病解後虛羸少氣欲吐者宜竹葉石膏湯

乾嘔吐涎沫頭痛乾嘔吐涎沫頭痛者宜

吳茱萸湯

吳茱萸湯泡洗一兩半

人參三分

生姜一兩半

大棗三枚

右咬咀水煎去渣分二服

吐水煩渴發熱渴欲飲水水入則吐者宜五苓散論見

吐下後傷寒本自寒下醫復吐下之寒格更逆吐下若食入口即

吐乾姜黃連黃芩人參湯主之

乾姜

黃連

黃芩

人參各等分

右咬咀水煎服

小便不利四肢重痛自下利或嘔者真武去附子加生薑

湯

論見少陰病下利脈微瀉嘔而汗出者當溫其上灸

之

論見欲寒溫其上以助陽氣也

既吐且利小便復利而

大汗出下利清穀內寒外熱脈微欲絕者四逆湯主之

和入霍亂當

利有寒熱

太陽與少陽合病頭痛脇痛往來寒熱自利而嘔者黃芩

加半夏生薑湯

論見合病

發熱汗出不解心中痞鞭嘔吐下

利者宜大柴胡湯

論見痞

發汗後水漿不得入口者為逆

若更發汗必吐下不止嘔吐而利者名曰霍亂病發

熱頭痛身疼惡寒吐利者此名霍亂自吐下又利止復更

發熱也霍亂頭疼發熱身疼痛熱多飲水者五苓散主

之寒多不飲水者宜

理中湯

宜建中湯

陳皮半兩

生薑兩

炙甘草八分

甘草炙半兩

人參一錢

竹茹半升

石水三大盞煮取一盞分二服

脚氣吐

病人直患嘔吐而脚弱或疼乃是脚氣當作脚氣治之見治

附吐利

腹滿時痛吐利不渴者太陰病論見腹滿活人病人脈

陰陽俱緊反汗出者亡陽也此屬少陰法當咽痛而復吐

利少陰病吐利手足厥冷煩躁欲死者吳茱萸湯主之

少陰病吐利手足不逆冷反熱者不死脈不至者灸少

陰七壯少陰病吐利煩躁四逆者死少陰病下利欬

而嘔渴心煩變不得眠者宜猪苓湯論見少陰病腹痛

小便不利四肢重痛自下利或嘔者真武去附子加生薑

湯論見少陰病下利脈微瀉嘔而汗出者當溫其上灸

之論見欲寒溫其上謂下有寒既吐且利小便復利而

大汗出下利清穀內寒外熱脈微欲絕者四逆湯主之王

和入霍

太陽與少陽合病頭痛脇痛往來寒熱自利而嘔者黃芩

加半夏生薑湯論見發熱汗出不解心中痞鞭嘔吐下

利者宜大柴胡湯論見發汗後水漿不得入口者為逆

若更發汗必吐下不止嘔吐而利者名曰霍亂病發

熱頭痛身疼惡寒吐利者此名霍亂自吐下又利止復更

發熱也霍亂頭疼發熱身疼痛熱多飲水者五苓散主

之寒多不飲水者宜

理中湯

人參

乾姜炮

甘草炙

白朮二兩

右剉每服四錢水煎去渣溫服如寒甚者加乾姜一兩半渴欲得水者加白朮一兩半臍上築者腎氣動也去白朮加桂枝二兩吐多者去白朮加生薑四兩

下利多者倍用白朮悸者加茯苓二兩腹滿者

去白朮加附子一枚服湯後如食頃飲熱粥一升許自

溫勿發揭衣被治人云或四肢拘急或轉筋者才去朮加附子

吐利汗出發熱惡寒四肢拘急手足厥冷者四逆湯主之

燥霍亂吐下六元正太陰所至為

中滿霍亂吐下

右濕土霍亂即仲景五苓散理中丸之類是也

歲土不及風乃大行民病霍亂殄泄氣交

右土虛風勝霍亂即羅謙甫桂苓白朮散之類是也

熱至則身熱霍亂吐下

六元正紀篇

右熱霍亂即活人書香薷散之類是也

劉炎

霍足太陰之別名曰公孫去本節後一寸別走陽明其別者入絡腸胃厥氣上逆則霍亂實則腸中切痛虛則蠱脹取之所別也

經脈

氣亂於腸胃則為霍亂取之足太陰

陽明不下取之三里

五亂篇東垣云足太陰期門穴也足陽明中脘穴也

吐利止後病

吐利止而身痛不休者當消息和緩其外宜桂枝湯惡

身痛者

寒脈微利止者四逆加人參湯

方論見惡寒

脈微者

吐已下斷汗出而厥四肢拘急不解脈微欲絕者通脈四

逆湯加猪膽汁下之

甘草

炙二兩

乾姜

二兩

附子

大一枚猪膽汁半合

右三味咬咀水三盞煎至二盞去渣納猪膽汁分作二次溫服其脈即來

乾嘔下利分陰

吐利發汗脈平不煩者以新虛不勝穀氣故也 乾嘔而

陽

利兼脇痛而表解者宜十棗湯心下痞鞭而煩者宜甘草

瀉心湯兼厥逆脈微者通脈四逆湯白虎加猪膽汁湯詳

乾嘔

診

脈陰陽俱緊至於吐利其脈獨不解緊去人安此為欲解

若脈遲至六七日不欲食此為晚發水停故也為未解食

自可者為欲解

吐利續法

內經霍亂法附

夏月霍亂

活夏月中暑霍亂上吐下利心腹撮痛大渴煩躁四肢逆

冷汗自出兩脚轉筋宜服香薷飲須井底沉極冷頓服之

乃效他藥不能救

香薷散治陰陽不順清濁相干氣鬱中焦名為霍亂此皆

飽食鱸炙頓啖乳酪酒膠百品無所不食多飲水漿眠睡

冷席風冷之氣傷於脾胃諸食結而不散陰陽二氣不和
不反陽氣欲降陰氣欲升陰陽交錯變成吐利不已百脈
混亂榮衛俱虛冷搏筋轉皆宜服此

厚朴

二兩

黃連

二兩

香薷

二兩

甘草

半兩

右為末每服四錢水煎不犯鐵器慢火煎之兼治不時
吐利霍亂腹撮痛大渴煩躁四肢逆冷冷汗自出兩脚
轉筋痠痛不可忍者須井中沉令極冷頓服之乃效

羅桂苓白朮散治胃暑飲食所傷傳受濕熱內盛霍亂吐
瀉轉筋急痛腹滿痛悶小兒吐瀉驚風皆宜服此

桂枝

人參

白朮

白茯苓

各半兩

澤瀉

甘草

石膏

寒水石

各一兩

滑石

二兩

一方有木香藿香葛根各半兩

右為細末每服三錢白湯調下或新汲水生薑湯下亦

得有蒙古百戶昔良海因食酒肉飲潼乳得吐瀉霍亂
症從朝至午精神昏憤以困急來告予診視之脈得沉
數按之無力所傷之物已出矣卽以新汲水半碗調桂
苓白朮散徐徐服之稍得安靜又於墻陰掘地一穴約
二尺許貯以新汲水在內攪之待一時澄定名曰地漿
用清者一杯再調服之漸漸氣和吐瀉遂止至夜得安
翌日微煩渴遂愈却以錢氏白朮散時時服之良愈或
問用地漿者何也予曰坤爲地地屬陰土平曰靜順感
至陰之氣又於墻陰貯以新汲水以取重陰之氣也陰
中之陰能泄陽中之陽霍亂症由暑熱內傷而得之故
痺論云陰氣者靜則神藏躁則消亡又加暑熱七神迷
亂非至陰之氣則不能息予用之者此也內經福萬世
之書豈不信哉 又提學侍其公年七十九歲六月中

暑毒霍亂吐瀉昏冒終日不知人事夜半請予視之診其脈七八至洪大有力頭熱如火足寒如水半身不遂牙關緊急予思內經五亂篇中云清氣在陰濁氣在陽榮氣順脈衛氣逆行亂於胃中是謂大惋云云亂於腸胃則爲霍亂於是霍亂之名自此而生蓋年高氣弱不任暑氣陽不維陰則瀉陰不維陽則吐陰陽不相維則既吐且瀉矣前人見寒多以理中湯熱多以五苓散作定法治之今暑氣極盛陽明得時之際况因動而得之中暑明矣非甘辛大寒之劑不能泄其暑熱墜浮焰之火而安神明也遂以甘露散甘辛大寒瀉熱補氣加茯苓以分陰陽水水調灌之漸省人事諸症悉去後慎言語節飲食三日以參朮調中湯以意增減服之理其正氣逾十日後方平復

海霍亂

六 醫學綱目卷三

五

無訶子散治老幼霍亂一服即效

訶子炮去核

甘草炙

厚朴薑製

乾薑炮

神麴炒

草果去壳

良薑炒

茯苓

麥芽炒

陳皮各等分

右為細末每服二錢候發不可忍時用水煎入鹽少許

服之

聖治霍亂用厚朴薑製火上炙令香為末以新汲水調下

二錢七佳

大人參散治吐衄霍亂吐瀉心煩腹痛

人參

厚朴薑製

橘紅各一兩

當歸炒

甘草炙各半兩

右為末每服四錢寒三枚水煎服

丹霍亂內有所傷外有所感

雜方

集吐瀉還用吐以提其氣起吐用二陳湯加減或用檀香煎湯吐亦可

海霍亂症本自胃家或因寒飲或因飲水或傷水毒或感濕氣冷熱不調水火相干陰陽相搏轉筋掣痛經絡亂行暴作吐瀉中焦胃氣所主也察其色脈隨經標本此治霍亂吐瀉之法也

外治霍亂吐下不止者艾一把水三升煮至一升頓服

經霍亂陳皮湯下山荳根末二錢

山霍亂吐瀉用屋下倒掛塵泡湯澄清服之大忌飲食入腹則死喫水水不妨不可飲熱湯

集吐瀉不止或吐轉多四肢發厥虛風不省人事服此四

煎漸煖神識便省

同服黃連大棗星為末每服三錢用大棗三枚同煎至八

分溫服不省用服

霍亂轉筋治法見轉筋門

霍亂方

霍亂損縮脾飲解伏熱除煩渴消暑毒止吐利霍亂之後服熱藥太多煩躁者尤宜服之

草果

烏梅

甘草

砂仁各四兩

乾葛二兩

右咬咀每服五錢生薑五片同煎以水沉冷以解煩或

溫或熱隨意服

無茯苓澤瀉湯治霍亂吐瀉後煩渴飲水

茯苓八兩

澤瀉四兩

甘草炙

桂心各二兩

白朮三兩

右咬咀每服四錢生薑三片同煎食前服一方有小麥

五兩

世以小竹杖兩手反抱住於脊骨就杖兒上下各點一穴如先吐先灸上穴先瀉先灸下穴各三百壯百發百中又霍亂諸法不效者灸大椎又以鹽納臍中灸二十七壯立甦

霍亂吐瀉中脘 天樞 三里 委中

霍亂又法上脘 三里

霍亂泄出不自知先取太谿後取太倉之原 又法巨

關 關衝 支溝 解谿

干又主陰陵泉

東吐利上下俱出藏痺膿血頭重臂痛太白 地機 風

府絡五 長強 尺澤各一

霍亂泄利期門主之 厥逆霍亂府舍主之

世霍亂手足厥冷灸三陰交七壯

甲霍亂逆氣魚際太白主之 霍亂遺尿失氣三里主之

世病人合面正臥兩手着身以繩橫亘兩肘尖頭依繩下

俠脊兩邊相去各一寸灸三七壯無不驗 霍亂已死但

有煖氣者灸承筋七壯立甦 取法以繩從足拇指端至後

以此度從足跟貼地量上至膈度極頭處是穴

甲霍亂頸痺不仁承筋主之 千金云主暴霍亂僕泰主

之

診 世霍亂遍身轉筋肚痛四肢厥冷欲絕者其脈洪大易治

脈微囊縮舌卷不治

禁忌 千諸霍亂忌與米飲胃中得米即吐不止

羅潔古老人云霍亂轉筋吐瀉不止其病在中焦陰陽交

而不和發為疼痛此病最急不可與分毫粥飲穀氣入胃

則必死矣

保凡霍亂慎勿與粟米粥湯入胃即死本草云粟米味鹹微寒無毒主養腎氣去脾胃中熱益氣霍亂脾胃極不和能傳化加粟米豈有能生也邪如吐瀉已多欲住之後宜以稀粥漸漸補養以遲為妙

下利

自利不渴者屬太陰以其臟有寒故也當溫之宜
四逆湯

甘草

乾姜

附子

右咬咀水煎溫服強人加附子半箇乾姜一兩半

少陰病欲吐不吐心煩但欲寐五六日自利而渴者屬少陰也虛故引水自救若小便色白者少陰病形悉具小便白以下焦虛有寒不能制水故令色白也
陰病下利六七日欬而嘔渴心煩不能眠者猪苓湯主之

少陰病自利清水色純青者心下必痛口乾燥者急下之宜大承氣湯

孫寶大郎患傷寒經十餘日口燥舌乾而渴心中疼自利清水衆醫皆相守但調理耳汗下皆所不敢寶氏親故相謂曰傷寒邪氣害人性命甚速安可以不決之疾投不明之醫乎召孫至曰即日不可下明日正當下投小承氣湯遂大便通得睡明日平復衆皆曰此症緣何下之而愈孫曰不深於書徒知有書耳不知書之奧也口燥舌乾而渴豈非少陰症乎少陰症固不可下豈不知少陰一症自利清水心下痛者下之而愈仲景之書明有是說也衆皆欽服

下利欲飲水者以有熱故也宜

白頭翁湯

白頭翁

黃栢

秦皮

黃連

各錢

右咬咀水煎去渣溫服不瘥再服

少陰病下利白通湯主之 少陰病二三日不已至四五

日腹滿痛小便利或下利或嘔者宜

真武湯

茯苓

芍藥

附子

白朮

半兩加減法從

方本

右咬咀每服五錢生薑五片煎至八分溫服日三 欬

者加五味子細辛乾姜各一分 小便利者去茯苓

下利者去芍藥加乾姜 嘔者去附子加生薑七片

少陰下利咽痛胃滿心煩者猪膚湯主之用猪膚四兩以

水一盞半煎取一盞去渣加白蜜二合半白粉一合二勺

半熬煮和相得溫服

海薇云猪皮

厥利並治

大汗利而厥冷者宜四逆湯

少陰病但欲寐下利若兼

手足厥逆者自通加猪膽汁湯通脈四逆湯方論見後兼

便膿血者宜桃花湯方論見後少陰病欬而下利譫語

者被火氣劫故也小便必難以強責少陰汗故也少陰

病下利脈微瀉嘔而汗出必數更衣反少者當溫其上灸

之溫其上灸少陰病下利若利自止惡寒而蹠手足溫

者可治大汗出熱不去內拘急四肢疼必下利厥逆而

惡寒者四逆湯主之傷寒六七日大下後寸脈沉而遲

手足厥逆下部脈不至咽喉不利吐膿血泄下不止者為

難治宜

麻黃升麻湯

麻黃

去節二兩

升麻

二兩

當歸

一兩

知母

一兩

黃芩

半斤

葛根

各十斤

石膏

一兩

白朮

一兩

乾薑

芍藥

天門冬

桂枝

茯苓

甘草

各六銖

右咬咀每服五錢水煎溫服相次一炊時又進一服汗

出愈

下利脈沉而遲其人面少赤身有微汗下利清穀者必鬱

冒汗出而解病人必微厥所以然者其面戴陽下虛故也

凡厥利當不能食今反能食者恐為除中試食以索餅

不發熱者知胃氣尚在必愈也

論云

傷寒先厥後發熱

下利者必自止而反汗出咽中痛者其喉為痺發熱無汗

而利必自止必便膿血便膿血者其喉不痺下利後脈

絕手足厥冷時脈還手足溫者生脈不還者死下利

手足厥冷無脈者灸之不溫若脈不還反微喘者死傷

寒發熱下利厥逆躁不得臥者死傷寒發熱下利至甚

厥不止者死

厥利恒
欲死者
少陰

少陰病下利脈微與白通湯利不止厥逆無脈乾嘔煩者
白通加猪膽汁湯主之服湯後脈暴出者死微續者生

白通湯

乾薑一分

附子一枚
生用

右咬咀每服五錢入蔥白二寸同煎溫服

白通加猪膽汁湯

乾薑一分

蔥白一分

附子一枚
生用

猪膽一分

猪膽一分

右水一盞煎至五分去渣入童便膽汁相和得所溫服

少陰病下利清穀裏寒外熱手足厥逆脈微欲絕身反不
惡寒其病面赤色或腹痛或乾嘔或咽痛或利止脈不出
者通脈四逆湯主之

甘草炙

乾薑一分

附子一枚
生用

面赤色者加

蔥九莖 腹中痛者去蔥加芍藥二兩 嘔者加生

薑二兩 咽痛者去芍藥加桔梗一兩 利止脈不

出者去桔梗加人參一兩

右咬咀每服五錢水煎溫服未瘥急更作一劑其脈續

續出者愈

少陰病但欲寐四肢逆而利若下重者四逆散加薤白也

論見厥方 見但欲寐 若惡寒身蹇者不治論見

下利有表証為陽

下利腹脹滿身體疼痛先溫其裏乃攻其表溫裏四逆湯

攻表桂枝湯 傷寒表不解乾嘔發熱欬而下利者此為

水氣宜小青龍去麻黃加芫花湯方論 見欬 太陽與陽明合

病者必自下利葛根湯主之方見太陽病治人云下利而

脈浮大而長 者是其証也 太陽與少陽合病自下利者與黃芩湯若

嘔者黃芩加半夏生薑湯主之下利而頭疼身熱或口苦

大而弦

黃芩湯

黃芩三

甘草炙

芍藥各二

大棗二

右咬咀水煎溫服若嘔加半夏六錢生薑五片

太陽病桂枝症醫反下之利遂不止脈促者表未解也喘而汗出者宜

葛根芩連湯

葛根三

黃連

黃芩各二

甘草炙半

右咬咀每服五錢水煎溫服日進二三服

下利清穀脈沉微手足厥逆者為陰宜通脈四逆湯論見前條

脈浮而遲表熱裏寒下利清穀者四逆湯主之傷寒

醫下之續得下利清穀不止身疼痛者急當救裏下後身

疼痛清便自調者急當救表救裏宜四逆湯救表宜桂枝

湯 少陰病下利便膿血者桃花湯主之 少陰病二三日
至四五日腹滿小便不利下利不止便膿血者宜

桃花湯

赤石脂

四兩一半全一半取末

大米

二合 乾薑二錢

右水二大盞煮三味米熟去查納赤石脂細末一方寸

匕溫服日三愈勿服

於

少陰病下利膿血者可刺 下利便膿血若脈而發熱厥

少熱多者病當愈也

論見厥

先厥後發熱無汗者利不止

也

論見前

下利脈數而渴者令自愈設不瘥者必清膿血

以有熱故也

下利寸脈反浮數尺中自清者必清膿血

下利脈數不解而下利不止者必挾熱而便膿血也

論見

血

下利
分陰

下利譫語若脈微手足厥但欲寐小便難者為陰宜補劑

陽

和之

若服和手足溫及不欲寐小便利者為陽宜調胃承氣湯

論見論語及前少陰下利欲寐者

脈滑宜下

陽明少陽合病必下利其脈不負者順也負者失也互相

尅賊名為負也脈滑而數者有宿食也當下之宜大承氣

湯 下利脈遲而滑者內實也利未欲止當下之宜大承

氣湯 下利脈反滑當有所去下之乃愈宜大承氣湯

脈微宜下

下利脈微者白虎湯也若微瀉嘔而汗出數更衣者當溫

而灸之方論見少陰下利條

下利脈大者虛也以其強下之故也設脈浮革故爾腸鳴

者屬當歸四逆湯主之

下利重

熱利下重者白頭翁湯主之 四肢逆而泄利下重四逆

散加薤白主之論見前厥利條

下利
身痛

下利身體疼痛若但四肢沉重疼痛小便不利者前條有

武湯症也 若四肢疼痛厥逆惡寒者四逆湯若通身疼痛

者先以四逆湯溫裏後用桂枝攻表也

方論

下利
心下

下利三部脈皆平按之心下硬者急下之宜大承氣湯

下利後心下痞硬者此非結熱但胃虛客氣上逆故使硬

甘草瀉心湯主之

論見

下利
嘔

下利咽喉痛者兼胃滿者猪膚湯兼厥逆者通脈四逆湯

下利
胸

若下利不止厥逆下部無力咳唾膿血者麻黃升麻湯

論見

下利
不止

下利十餘行胸中痛寸口脈滑者宜吐之則利止

論見

傷寒服湯藥下利不止心下痞硬服瀉心湯後以他藥下

之利不止醫以理中與之利益甚理中者理中焦此利在

下焦赤石脂禹餘糧湯主之復利不止者宜利其小便

赤石脂禹餘糧湯

赤石脂 禹餘糧 各四兩

右剉碎每服五錢水煎溫服不瘥再服

下後心下痞鞭腹中雷鳴乾嘔而利者甘草瀉心湯方論見瘥

下後心下痞鞭表裏不解而利者桂枝人參湯方論見瘥

下利脈促表不解喘汗而利者葛根黃芩黃連湯方論見前

凡藥下後潮熱脇滿嘔而利者先用小柴胡湯解外

後以柴胡加芒硝湯方論見潮熱 凡藥下後譫語脈調和小便

利而下利不厥者調胃承氣湯方論見下 下後脈大浮革腸

鳴而利者當歸四逆湯方論見前 下後脈數不解者必

便膿血方論見前 下後成陰症厥逆咽不利唾膿而利者

麻黃升麻湯方論見瘥

少陰病脈緊至七八日自下利脈暴微手足反溫脈緊反

去者為欲解也。雖煩下利必自愈。傷寒脈浮緩手足溫至七八日忽暴煩下利日十餘行者必自止。論見發熱而厥七下利者為難治。傷寒六七日不利便發熱而利其人汗出不止者死有陰無陽故也。少陰病但欲臥不煩至五六日忽自利煩躁不得寐者死。論見下利脈沉弦者下重也。脈大者為未止。脈微數者為欲自止。雖發熱不死。下利有微熱而渴脈弱今自愈。下利脈數而渴者自愈。設不瘥者必清膿血。論見下利脈數有微熱汗出今自愈。設復緊為未解。傷寒下利日十餘行脈反沉者死。假令下利寸口關上尺中悉不見脈然尺中時一小見脈再舉頭者腎氣也。若填脈來至為難治。下利清穀不可攻表汗出必脹滿。

下利續法

膝下寒
大便黃
白屬寒
膝下熱
大便黃
赤屬熱

活寒毒入胃者膝下必寒腹脹滿大便黃白或青黑或下利清穀宜四逆湯理中湯白通加附子湯四逆加薤白散

挾熱利者膝下必熱大便赤黃色及腸間津汁垢膩宜黃芩湯白頭翁湯三黃熟艾湯薤白湯赤石脂湯

三黃熟艾湯治傷寒四日而大下熱利時作白通湯諸藥多不得止宜服此湯除熱止利

黃芩
黃連
黃柏
熟艾半雞子大

右咬咀水煎溫服
薤白湯治傷寒下利如爛肉汁赤帶下伏氣腹痛諸熱悉主之

豆豉半合
薤白握
山梔七枚

右咬咀用水二升半先將梔子十沸下薤白煎至二升下豉煎取一升二合溫服

赤石脂丸治傷寒熱利

赤石脂

一斤

黃連

當歸

各二斤

乾姜

炮一斤

右為末煉蜜丸如桐子大每服三十丸米飲下日三服

厚膿血為濕

濕毒氣盛者下利腹痛大便如膿血或如爛肉汁宜桃花

湯地榆散黃連阿膠散

地榆散治傷寒熱毒不解日晚即壯熱腹痛便利膿血

地榆

犀角屑

黃連

炒

葛根

各一斤

梔子仁

半斤

黃芩

一斤

右咬咀每服四錢水一盞入雞白五寸同煎溫服

海阿膠湯治傷寒熱毒入胃下利膿血

黃連

炒二斤

山梔

半斤

阿膠

少

黃柏

各一斤

右咬咀每服四錢水煎服

傷寒汗下後大

傷寒汗下後大小便利者腹中痛者宜燥腸丸

小便利
腹瀉宜
溫

附子

炮一

龍骨

半兩

乾姜

一兩

吳茱萸

粟殼

訶梨皮

各半兩

右為細末酒糊丸如桐子大每服三十九溫水下利止

勿服

裏急後
重宜下

傷寒汗下後裏急後重下利者宜

七宣丸

大黃

一兩

桃仁

去皮尖三十枚

木香

檳榔

柴胡

訶子皮

甘草

各半兩

右為細末煉蜜丸如桐子大每服五十九溫水下

此丸者
和

傷寒汗下後氣逆利不止者寒也宜

枳實芍藥甘草湯

芍藥

甘草

枳實

炒

乾姜

炮各半兩

右咬咀每服五錢水煎服

厥陰病 氣上衝心 飢不欲食 吐蚘

蚘 厥 少腹滿囊縮

厥陰者厥陰之為病消渴氣上衝心心中疼熱飢不欲食食則吐
厥陰者蚘 厥陰病渴欲飲水者少少與之愈 厥陰中風脈微
浮為欲愈不浮為未愈 厥陰病欲解時從丑至卯上
病如桂枝症頭不痛項不強寸脈微浮胃中痞鞭氣上衝
咽喉不得息者此為胃有寒也當吐之宜

瓜蒂散

瓜蒂黃妙 赤小豆各一分

右研為細末取一錢用豉一合湯七合先漬之須臾煎
稀糜去渣取汁相和溫頓服不吐少少加得快吐乃止
諸亡血虛家不可與服

活瓜蒂散每服一錢匕藥下便臥欲吐且忍之良久不吐

取三錢七湯二合和服以手指探之便吐不吐復稍增之以吐為度若吐少病不除明日如前法再吐之不可令人虛也如藥力過時不吐飲熱湯一升以助藥力吐訖便可食無更服若服藥過多者飲水解之

奔豚

奔豚氣上衝胃腹痛往來寒熱奔豚湯主之

方見續壘腎積氣條

陰陽易

陰陽易少腹裏急引陰中拘攣熱上衝胃頭重不欲舉腹

中生花者宜燒視散

論見陰陽易

剛瘕

氣上衝胃口噤不得語欲作剛瘕者宜葛根湯

論見瘕

汗後氣上衝

燒鍼令其汗鍼處被寒核起而赤者必發奔豚氣從少腹

上衝心者灸其核各一壯與

桂枝加桂湯

桂枝二兩半

芍藥

生薑各一兩半

甘草一兩

大棗二枚

右咬咀每服五錢水煎溫服桂枝加桂以自

下後氣上衝動氣發汗則氣上衝正在心端論見太陽下後其氣上

衝者可與桂枝湯方用前法若不上衝者不可與之

吐下後氣上衝傷寒吐下後心下逆滿氣上衝胃頭眩脈沉緊若發汗則

動經身為振搖者茯苓白朮甘草湯論見戰振方見振搖傷寒吐

下後發汗虛煩脈甚微八九日心下痞鞭脇下痛氣上衝

咽喉眩胃經脈動惕者久而成痰

氣上衝心續法

新方陷李根湯治氣上衝正在心端

半夏 當歸 芍藥 生薑

茯苓 桂枝 黃芩 甘草

甘李根白皮各等分

右咬咀每服五錢水煎溫服

飢不欲食

純厥者陰症

飢不欲食食則吐虵者厥陰病論見第上中心手足厥冷脈乍

緊心煩飢不能食者邪在胸中宜瓜蒂散吐之論見厥

汗下後飢不欲食者陽症

太陽病吐發汗出發熱不惡寒關脈細數腹中飢口不能

食朝暮吐者此為小逆

論見發熱陽明病下後心中懊憹飢

不欲食但頭汗出者宜梔子豉湯論見煩

吐虵虫

厥陰吐

氣上衝心疼飢不欲食吐虵者厥陰病論見氣上冲靜而復

煩須臾復止得食而嘔又煩吐虵虫者為虵厥宜烏梅丸

方論見歌

病人有寒復發汗胃中冷必吐虵治人云先服理中丸次服烏梅丸

厥

先厥後熱者

兩感於寒者三日少陰與厥陰俱病則耳聾囊縮而厥論見

太陽註云耳聾者少陽病囊縮而厥者陰病

傷寒一二日至四五日而厥者

必發熱前熱者後必厥厥深者熱亦深厥微者熱亦微厥應下之而反發汗者必口傷爛赤成無已云若始得之手足便厥而不溫者是陰經受邪陽氣不足可用四逆湯溫之若手足自熱而至溫從四逆而至厥者傳經之邪也四逆散主之必須識此勿令誤也四逆湯方見下例又當外症別之予嘗治一中年婦人惡熱身熱而渴脈數細弱先厥後熱用溫藥反劇後以四逆散兼參朮各半服之厥愈脈出洪大而痊

脈細弱而脈為

手足厥寒脈細欲絕者宜

當歸四逆湯

甘草

通草各六錢

當歸

桂枝

細辛

芍藥各一兩

右咬明每服五錢入水子一枚同煎溫服

若其人內有久寒者宜當歸四逆加茱萸生薑湯主之於

原方內加吳茱萸二兩生薑二兩半嘔而脈弱小便復

利身有微熱見脈者難治四逆湯主之

脈滑厥者宜燒

傷寒脈滑而厥者裏有熱也白虎湯主之

脈促者宜灸

傷寒脈促手足厥逆者可灸之

脈經云可灸少陰厥陰主逆

傷寒六

七日脈微手足厥冷煩躁灸厥陰灸而不止者死

脈微者宜吐

病人手足厥冷脈乍緊者邪結在胃中心中滿而煩飢不

能食者病在胃中當吐之宜瓜蒂散

散聚一作係結者有理

脈來

數時一止復來曰促脈來緩時一止復來曰結結促二脈

者脈為邪礙而歇止也灸之吐之所以逐去其邪也

脈沉而

少陰病身痛手足寒脈沉者宜附子湯

論見

傷寒五六

日頭汗出微惡寒手足冷心下滿口不欲食大便鞅脈細

者此爲陽微結必有表復有裏也脈沉亦在裏也汗出以陽微假令純陰結不得復有外症悉入在裏此爲半在裏半在表也脈雖沉緊不爲少陰病所以然者陰不得有汗今頭汗出故知非少陰也可與小柴胡湯設不了了者得屎而解

本有人患傷寒五六日頭汗自出自頸以下無汗手足冷心下痞悶大便秘結或者見四肢冷又汗出滿悶以爲陰症予診其脈沉而緊予曰此症誠可疑然大便秘結非虛結也安得爲陰脈雖沉而緊爲少陰症多是自利未有秘結者此症半在裏半在表投以小柴胡湯得愈仲景稱傷寒五六日頭汗出云云至得屎而解正此之謂也有人難曰脈陰陽俱緊反汗出者亡陽也此屬少陰不得有汗何也今頭汗出者故知非少陰何以頭汗出便知非少陰症予

曰此一段正是仲景議論處謂四肢冷脈沉緊腹滿全似少陰然大便鞭頭汗出不得為少陰蓋頭者三陽同聚若三陰止胃而還有頭汗出自是陽虛故曰汗出為陽微是陰不得有汗也若少陰頭有汗則死矣故仲景平脈法云心者火也明少陰則無頭汗者可治有汗者死心為手少陰腎為足少陰相與為上下惟以意逆志者斯可得之傷寒厥而心下悸者宜先治水當服茯苓甘草湯却治其厥不爾水漬入胃必作利也

茯苓甘草湯

茯苓

桂枝各二錢

生薑三錢

甘草炙一錢

右咬咀水煎溫服

悸而四肢逆也少陰病四逆或悸者四逆散加桂枝主之方論見傷寒脈浮自汗出小便數心煩微惡寒腳攣急反與桂枝湯欲

攻其表此誤也得之便厥咽中乾煩躁吐逆者作甘草乾姜湯與之以復其陽若厥愈足溫者更作芍藥甘草湯與之其脚卽伸若胃氣不和譫語者少與調胃承氣湯若重發汗復加燒針者四逆湯主之

甘草乾姜湯

甘草

四兩

乾姜

二兩

右咬咀每服五錢水煎溫服

芍藥甘草湯

芍藥

甘草

各二兩

右咬咀每服五錢水煎溫服

調胃承氣湯

方見發熱

四逆湯

方見下利

問曰症象陽旦按法治之而增劇厥逆咽中乾兩脰拘急

而譫語師曰言夜半手足當溫兩脚當伸後如師言何以

知此答曰尺寸浮而大浮則爲風大則爲虛風則生微熱

虛則兩脰攣急症象桂枝因加附子參其間增桂令汗出

附子溫經回陽故也厥逆咽中乾煩躁陽明內結譫語煩
亂更飲甘草乾姜湯夜半陽氣還兩足當熱脛尚微拘急
重與芍藥甘草湯乃脛伸以承氣湯微瀉則止其譫語故
知病可愈 少陰病食入則吐復不能吐手足寒脈弦遲
者宜吐之

論見吐

下利而厥

下利而厥下重者四逆加薤白脈微者通脈四逆湯白通
湯溫後無脈者白通加豬膽汁湯汗後拘急者四逆湯下
後咽不利者麻黃升麻湯

方論見下利

吐利厥
為寒

吐利發熱惡寒汗出而厥者屬霍亂宜四逆湯 吐利煩
躁欲死而厥者屬少陰宜吳茱萸湯 吐利止脈微欲絕
而厥者通脈四逆加豬膽汁湯

方論見吐利

渴而厥
為暑

陰無聲
時止者

中暑口乾而渴治法見中暑門 傷寒脈微而厥至七八日膚冷其人躁無暫安時者此為

後
蛇厥

臟厥非為蛇厥也蛇厥者其人當吐蛇今病者靜而復時煩此為臟寒蛇上入膈故煩須更復止得食而嘔又煩者蛇聞食臭出其人當自吐蛇蛇厥者宜

烏梅丸主之

烏梅

七十箇

細辛

附子

炮去

人參

黃柏

桂枝

各一兩

乾薑

二兩

黃連

四兩

蜀椒

炒去汗

當歸

右九味共為細末以苦酒漬烏梅一宿去核蒸熟杵成

泥和藥令相得納臼中加煉蜜杵二千下丸如桐子大

食前服十九日三服稍加至二十九忌生冷滑物等

凡厥者陰陽氣不相順接便為厥厥者手足逆冷是也

傷寒厥四日熱反三日復厥五日其病為進寒多熱少陽

氣退故為進也

傷寒發熱四日厥反三日厥少熱多其

診

病當自愈四日至七日熱不除者其後必便膿也 傷寒
始發熱六日厥反九日而利凡厥利者當不能食今反能
食恐爲除中食以索餅不發熱者知胃氣尚在必愈恐胃
熱來而復去也後三日脈之其熱續在者期之旦日夜半
愈所以然者本發熱六日厥反九日復發熱三日餅前六
日亦爲九日與厥相應故期之旦日夜半愈後三日脈之
而脈數其熱不罷者此爲熱氣有餘必發瘧也 傷寒
病厥五日熱亦五日設六日當復厥不厥者自愈厥終不
過五日以熱五日故知自愈 傷寒熱少厥微指頭寒默
默不欲食煩躁數日小便利已白者此熱除也欲得食其
病爲愈若厥而嘔胃膈煩滿者其後必便血 少腹滿痛
而厥爲冷結關元 論見少腹滿 少陰四逆惡寒身踈無脈不
煩而躁死 論見欲寐

忌

少陰病但厥無汗而強發之必動其血

論見
欬集

諸四逆厥

者不可汗之諸虛家亦然

傷寒五六日不結胃腹濡脈

虛復厥者不可下此爲亡血下之者死

右厥逆皆忌下惟前條先熱者必厥厥應下之而反發

汗者一法宜下忌汗之

厥續法

寒厥

舌冷厥者初得病日便四肢逆冷脈沉微而不數足多攣

臥時惡寒或自引衣蓋覆不飲水或下利清穀或清便自

調或小便數外症多惺惺而靜脈雖沉實按之遲而弱者

知其爲冷厥也四逆湯理中湯通脈四逆湯當歸四逆湯

當歸四逆加茱萸生薑湯白通加豬膽汁湯隨症用之

熱厥

熱厥者初中病必身熱頭痛外別有陽症二三日至四五

日方發厥兼熱厥者厥至半日却身熱蓋熱氣深方能發

厥須在二三日後也若微厥却發熱者熱深故也其脈雖伏按之而滑者為裏熱其人或畏熱或飲水或揚手擲足煩躁不得眠大便秘小便赤外症多昏愢者知其熱厥也白虎承氣湯隨症用之

失下安

又有下症悉具而見四逆者是失下後血氣不通四肢更厥醫人不識却疑陰厥復進熱藥禍如反掌大抵熱厥須脈沉伏而滑頭上有汗其手雖冷時復指爪溫須便承氣湯下之不可拘忌也

脈沉疾有力宜下沉遲無力宜溫

海厥陰症四肢厥冷爪甲青脈沉疾按之有力者為陽則當下宜大承氣湯如脈沉遲按之無力者為陰則當溫宜四逆湯更須速灸之

天其症之

羅省掾曹德裕男婦二月初病傷寒八九日請予治之脈得沉細而微四肢逆冷自利腹痛目不欲開兩手常抱掖

下昏昏嗜臥口舌乾燥乃曰前醫留白虎加人參湯可服
否予曰白虎雖云治口燥舌乾若只此一句亦未然今此
症不可服白虎者有三傷寒症云立夏以前立秋以下不
可妄用一也太陽症無汗而渴者不可用二也況病人陰
症悉具其時春氣尚寒三也仲景云下利清穀急當救裏
宜四逆湯五兩人參一兩生薑十餘片連須蔥白九莖水
五大盞同煎至三盞去渣分三服一日服之至夜則止手
足溫翌日大汗而解繼之以理中湯數服而愈孫真人習
業論云凡欲爲太醫必須精讀甲乙素問黃帝鍼經明堂
流注十二經絡三候九部本草藥性仲景叔和並須精熟
如此方爲太醫不爾猶無目夜遊動致顛殞執此用藥者
再思可矣

不熱症
陰寒

陽症治驗

真定府趙吉夫年三十三至元五月間因勞

役飲食失節傷損脾胃時發煩躁而渴又食冷物過度遂
病身體困倦頭痛四肢逆冷嘔吐而心下痞醫人不察見
其四肢逆冷嘔吐而心下痞乃用桂枝末三錢七熱酒調
下仍以綿衣覆之作陰毒傷寒治之須臾汗大出汗後卽
加口乾舌澁眼白時紅項強硬肢體不柔和小便淋赤大
便秘澀循衣摸床如發狂狀問之則言語錯亂視其舌則
赤而欲裂朝輕暮劇凡七八日家人輩悉謂危殆不望生
全鄰人吉仲完舉予治之診其脈七八至知其熱证明矣
遂用大承氣湯苦辛大寒之劑一兩作一服服之利下三
行折其勝勢翌日以黃連解毒湯大苦寒之劑二兩徐徐
服之以去其熱三日後病十分中減五六更與白虎加人
參湯約半斤服之瀉熱氣前症皆退戒以慎起居節飲
食月餘漸得平復內經曰凡用藥者無失天時無逆氣宜

無翼其勝無贊其復是謂至治又云必先歲氣無伐天和
當暑氣方盛之時聖人以寒涼急救腎水之原補肺金之
不足雖有客寒傷人仲景云用麻黃湯內加黃芩知母石
膏之類恐發黃發斑又用桂枝湯之戒況醫以桂末熱酒
調服所謂差之毫釐謬以千里逆仲景之治法經云不伐
天和不贊其復不翼其勝不失氣宜不然則故疾未已新
病復起矣

熱症
中

用熱遠熱從乎中治 友人劉巨源年六十五歲至正夏
月因勞役飲食失節又傷冷飲得疾醫者往往以爲四時
症治之不愈連十日請予治之曰右手三部脈沉細而微
太陰症也左手三部脈微浮而弦虛陽在表也大抵陰多
而陽少今所苦身體沉重四肢逆冷自利清穀引衣自覆
氣難布息懶言語此脾受寒濕中氣不足故也仲景言下

利清穀急當救裏宜四逆湯溫之內經有用熱遠熱之戒
口乾但嗽水不嚥早晨身涼而肌生粟午後煩躁不欲去
衣昏昏睡而面赤隱隱紅斑見於皮膚此表實裏虛故也
內虛則外症隨時而變詳內外之症乃飲食勞倦寒傷於
脾胃非四時之症明矣治病必察其下今適當大暑之時
而得內寒之病以標本論之時爲標也病爲本也用寒藥
則順時而違本用熱藥則從本而逆時此乃寒熱俱傷必
當從平中治中治者溫之是也遂以錢氏白朮散加升麻
就本方加葛根甘草以解其斑少加白朮茯苓以除濕而
利小便人參藿香木香和脾胃進飲食咬咀一兩煎服再
服癰退而利止身溫而伸出次服異功散治中湯辛溫之
劑一二服五日得平止藥成曰病雖少愈勿藥可乎予曰
藥攻邪也內經曰治病以平爲期邪氣既去強之以藥變

身熱而
脈忽無
脈者必
有汗

証隨起不若以飲食調養待其真氣來復此不藥而藥不
治而治之理旬日良愈必察其下者謙甫謂時下之宜也
隨若病人寒熱而厥面色不澤冒昧而兩手忽無脈或一
手無脈者必是有正汗也多用綿衣裹手足令溫煖急服
五味子湯或兼與麻黃細辛甘草湯之類服之時時必有
大汗而解矣

五味子湯治傷寒喘促脈伏而厥

人參一分

五味子半兩

麥門冬去心

杏仁去皮

生薑

陳皮各一分

炙甘草二枚

右咬咀水煎服

針灸
摘治傷寒手足逆冷 大都一分

傷寒六脈俱無復溜補大回

合谷 中極 支溝一寸

半此穴和
脈絕穴

復溜順骨而下

巨闕三寸

氣衝灸七

手足逆冷皆屬厥陰不可汗下然有須汗須下者謂
手足雖逆冷時有溫時手足掌心必煖非正厥逆也當消
息之

診 脈病若四肢厥逆脈反浮大而短者死

少腹滿囊縮

尺寸脈微緩者厥陰受病也當六七日發其症少腹煩滿
而囊縮論見大法活人云脈沉而囊縮者氣易下之病者手足厥冷言我不
結胃小腹滿按之痛者此冷結在膀胱關元也

少腹硬滿小便利者為畜血若兼身黃發狂者抵當湯主
之詳見高血門傷寒表不解乾嘔發熱而欬或小便不利少腹

滿者小青龍去麻黃加茯苓湯主之論見欬

不大便日晡潮熱從心至少腹鞭滿而痛者宜大陷胃湯

少腹滿囊縮續法

厥陰煩
黃囊縮
浮者
宜汗脈
微者宜
和緩短
者宜下

活傷寒六七日煩滿囊縮其脈尺寸俱微緩者足厥陰肝經受病也厥陰病其脈微浮為欲愈不浮為未愈立小建中湯脈浮緩者必囊不縮外症必發熱惡寒似瘡為欲愈宜桂枝麻黃各半湯若尺寸俱沉短者必是囊縮毒氣入腹宜承氣湯下之大抵傷寒病臟腑傳變陽經先受病故次傳入陰經以陽主生故太陽水傳足陽明土土傳足少陽木為微邪也陰主殺故木傳足太陰土土傳足少陰水水傳足厥陰木至六七日當傳厥陰肝木必移氣克於脾土脾再受邪則五臟六腑皆因而危殆榮衛不通耳聾囊縮不知人而死矣速用承氣湯下之可保五生一死古人云脾熱病則五臟危又土為木賊則死若第六七日傳厥陰脈得微緩微浮為脾胃脈也故知脾氣全不受克邪無

所容否極素來榮衛將復水升火降則寒熱作而大汗解矣

小便便
以從熱
飲宜
下大小
便利不
無不痛
宜溫

海厥陰症者煩滿囊縮大小便不通發熱引飲腹滿尺寸脈微緩煩者火也滿者木也雖不吐虵囊縮但急者亦木也火與木相合四肢厥逆而爪甲青大小便不通地道塞也發熱引飲邪氣在裏宜溫之下之

已上諸症大小便俱通地道不塞不發渴不引飲邪不在裏則宜溫之灸之則裏外相接以復陽氣宜服

正陽散

麝香

一錢細研性辛溫治腹急滿痞風毒

乾薑

甘草

炙各二錢半

附子

一兩炮去皮臍味辛溫治風利發瘧腹滿囊縮

皂角

二兩酥炙去皮

弦味

右為細末每服二錢白湯下溫服

回陽丹

硫黃

半兩 味酸 溫大熱 治心腹腰膝氣冷痺左脇氣咳上氣肺冷無力

附子

炮半

乾姜

炮二錢半

木香

半兩 味辛 溫 療肌中氣不足 積

全蝎

半兩 味

一切

萆澄茄

半兩 味辛 溫 治皮風心腹氣脹

吳茱萸

半兩 洗炒

味辛 溫大熱 治中風逆邪邪氣食不消氣逆利五臟順氣

右為末酒糊丸如桐子大生薑湯下三五十九併二三

服以熱投之衣被取汗

陰氣毒盛變陰毒

陰毒之為病面青身痛如被杖咽喉痛五日可治七日不

可治升麻監甲湯去雄黃蜀椒主之

升麻監甲湯方見陽毒

陰毒續注

活陰毒甘草湯治傷寒時氣初得病一二日便結成陰毒

或服藥後六七日已上至十日變成陰毒身重背強腹中

絞痛咽喉不利毒氣攻心心下堅強短氣不得息嘔逆唇青面黑四肢厥冷其脈沉細而疾身如被杖咽喉痛五六日可治七日不可治

甘草

升麻

當歸各五錢

雄黃二錢

桂枝去皮五錢

蜀椒炒去汗併閉口者及子二分

紫甲酥炙一兩半

右吹咀水煎服如人行五里許更進一服覆取汗毒從汗出汗出即愈若未汗再服

本陰毒本因腎氣虛冷因慾事或食冷物後傷風內既伏陰外又感寒或先感外寒而後伏陰內外皆陰則陽氣不守遂發頭痛腰重腹痛眼睛疼身體倦怠而不甚熱四肢逆冷額上及手背冷汗不止或多煩渴精神恍惚如有所失或可起行不甚覺重診之則六脈俱沉細而疾尺部短小寸口或無六脈俱浮大或沉取之大而不甚疾者非陰

陰毒脈沉細疾

毒得陰

症也若服此藥過多則渴轉甚躁轉急有此症者急服還陽退陰之藥即安惟補虛和氣而已宜服正元散退陰散五勝散陰症不宜發汗如氣正脈大身熱未瘥用藥發汗無妨

正陽散治傷寒如覺風寒吹着四肢頭目骨節疼痛急服此藥如人行五里許再服連進三服出汗立瘥若患陰毒傷寒入退陰散五分同煎或傷冷傷食頭昏氣滿及心腹諸疾服之無有不效

麻黃去節 陳皮 大黃生 甘草

乾薑 肉桂 芍藥 附子

吳茱萸 半夏各等分

右咬咀麻黃加一半茱萸減一半同為末每服一錢水一盞姜三片煮一枚煎七分熱服以衣被蓋覆取汗切

須候汗乾去之如是陰毒不可用麻黃免更出汗

退陰散治陰毒傷寒手足逆冷脈沉細頭痛腰重連服三次小小傷冷每服一字入正元散同煎入鹽一捻陰毒傷寒咳逆煎一服細細熱呷病止

川烏

乾薑等分

右為麤末炒令轉色放冷再搗為細末每服一錢水一盞鹽一捻煎至半盞去渣溫服

五勝散治傷寒頭痛壯熱骨節疼痛昏沉困倦咳嗽鼻塞不思飲食兼治傷寒夾冷氣并慢陰毒神效

白朮

一兩半

甘草

五味子

石膏

各一兩

乾薑

三兩半

右咬咀每服五錢水一盞入鹽少許同煎服如冷氣相夾入薑朮煎或治陰毒病入艾葉少許煎服

海白朮散治陰毒傷寒心悶煩躁四肢厥冷

川烏

炮去
皮臍

桔梗

附子

炮

白朮

細辛

各一
兩

乾姜

炮半
兩

右咀咀或末之白湯調下一錢匕

羅正陽丹治陰毒傷寒手足厥冷指甲青色體冷脈沉細而微神效 用蔥蔥四五枝陳蜂房四五箇燒存性爲細末用蔥蔥搗和丸如彈子大手心內握定用手帕緊繫定須更汗出以綿被覆蓋如手心熱甚休教解開如服藥先服升麻湯五錢連鬚蔥三莖生姜五片水二大盞煎至一盞去渣溫服被覆取汗則愈

陰毒漸深

本陰毒漸深候

積陰感於下則微陽消於上故其候四

肢沉重逆冷腹痛轉甚或咽喉不利或心下脹滿結硬躁渴虛汗不止或時狂言爪甲面色青黑六脈沉細而一息

七至以來有此症者速宜於氣海關元二穴灸二三百壯以手足溫煖為效仍服金液丹來甦丹五勝散還陽散退陰散

川烏

去皮臍冷水浸七日薄切晒乾紙袋盛之有患

者取研末一大錢入鹽一小錢水一盞煎至七分服壓下陰毒所注如指血相似未已再進一服效

還陽散治陰毒面青四肢逆冷心躁腹痛

用硫黃末新汲水調下二錢良久或寒一起或熱一起

更看緊慢再服汗出瘥

返陰丹治陰毒傷寒心神煩躁頭疼四肢逆冷

硫黃

五兩

附子

炮去皮

乾姜

炮

桂心

各半兩

硝石

另研

太陰玄精石

另研各二兩

右用生鐵銚先鋪玄精末一半次鋪硝石末一半中間

下硫黃末又着硝石一半蓋硫黃却以玄精石末蓋上

用小盞合着煎三斤炭火燒令得所勿令烟出細研似麪後三味搗羅爲末與前藥同研令勻軟飯和丸如桐子大每服十五丸至二十丸煎艾湯下頻服汗出爲度病重則三十九此方甚驗喘促與吐逆者入口便佳又服此藥三五服不退者更於臍下一寸灸之須是晝夜大段不住手灸不限多少壯數灸之艾炷勿令小小則不得力若其人手足冷少腹硬卽於臍下兩邊各開一寸各安一道三處齊下火灸之仍與當歸四逆湯併返陰丹亦須頻服內外通透方得解若遲誤卽死矣又若陰症加以少腹不通及陰囊縮入少腹絞痛欲死者更於臍下二寸石門穴急灸之仍須與返陰丹當歸四逆湯加吳茱萸生薑慎勿與尋常利小便冷滑藥

火散治傷寒惡候

舶上硫黃

黑附子

生用新臘茶

各一兩

右爲細末先用好酒一升調藥攤入新碗中於火上蕩乾合在瓦上每一碗下燒熟艾一拳大以尾搭起無令着火直至烟盡候冷卽括取研入磁合內盛每服二錢酒盞共煎七分有火釀起勿訝傷寒陰毒者四肢冷脈沉細或吐瀉五心煩躁胃中結硬或轉早伏陰在內湯水不得下或無脈先喫一服如吐却更進一服服後心中熱其病已瘥下至臟腑中表未解者渾身壯熱脈氣洪大便宜用發表藥或表解者更不發熱便得眠睡渾身有汗若少有瘕結脈實方可用下膈行臟腑藥漸用調和元氣補治脾胃湯散服此藥三服不應者不可治也

陰毒沉

本陰毒沉困之候與前後漸染之候皆同而更加沉重六

脈附骨取之方有按之卽無一息八至已上或不可數至此則藥餌難爲功矣但於臍下灼火艾如枣大三百壯以來手足不和煖者不可治也倘復和煖以前硫黃及熱藥助之若陰氣散陽氣來則漸減熱藥而和治之以取瘥也活治陰虛陽脫體冷無脈氣息欲絕不省人事及傷寒陰厥百方不效者用蔥以索纏如臂大切去根及葉唯存白長二寸許如大餅樣先以火煏一面令通熱勿令着火乃以熱面熨病人臍上連臍下又以熨斗滿貯火熨之令蔥餅中熱氣鬱入肌肉中須更作三四餅一餅壞不可熨又易一餅良久病人當省手足溫有汗卽瘥更服四逆湯以溫其內

海治陰症諸藥不效併湯水不下身冷脈絕氣息短不知人用蔥白熨法莫若用醋醋拌麩皮炒熟注布袋中蒸熨

此上法尤速

代灸塗臍膏

附子

馬蘭子

蛇床子

吳茱萸

肉桂各等分

右爲細末可用白麪一匙藥末一匙生薑自然汁煨成膏攤帛上圓三寸許貼臍下關元氣海自晚至曉其火力可代灸百壯腰痛亦可貼之 一法用丁香草撥乾薑牡蠣燒灰放手心中以唾津調如泥以手掩其陰至煖汗出爲度

陰毒傷寒四肢逆冷者用吳茱萸不拘多少爲細末溫酒和勻生絹袋盛之熱熨脚心令通暢愈若以湯煎溫藥洗以接四肢亦可

金中伏

本治陰中伏陽破陰丹

硫黃

水銀各一兩

陳皮

青皮各半兩

右將硫黃先入銚子內鎔開次下水銀用鐵杖子打勻令無星傾入黑茶盞內細研入二味用麪糊丸如桐子大每服三十九如煩躁冷塩湯下陰症艾湯下良效

有人初得病四肢逆冷臍下築痛身疼如被杖蓋陰症也急服金液破陰來復等丹其脉遂沉而滑沉者陰也滑者陽也病雖陰症而見陽脉有可生之理仲景所謂陰病見陽脉者生仍灸氣海丹田百壯手足溫溫陽回得汗而解或問滑沉之狀如何便有生理予曰仲景云翕奄沉名曰滑何謂也沉爲純陰翕爲正陽陰陽和合故名曰滑古人論脈滑雖曰往來前却流利旋轉替替然與數相似仲景三語而足也此三字極難曉翕合也言張而復合也故曰翕爲正陽沉言忽降而下也故曰沉爲正陰方翕而合俄

降而沉奄爲忽忽間仲景論滑脈可謂諦當矣其言皆有
法故讀者難曉宜細思之